

MBEU A SI MULAIWA NA GANDA

 Kha ri vhe ro ima uri ri vhe na tshifhinganyana tsha thabelo.
Kha ri kotamise zwifhātuwo zwashu.

² Mudzimu a funwaho, ri dzhia iyi i pfanelo khulwane, madekwana a ̄namusi, u vha hafha kha uno musi, u disa Kristo a tshilaho kha shango li no khou fa na murafho u no khou fa.

³ Ro vha ri tshi do humbelo, Murena, zwauri U dolise maipfi ashu na vhudidini hashu, uri zwi si humele ha Iwē lwa fhedzi, fhedzi ngavhē zwi tshi khunyeledza ndivho yazwo.

⁴ Farisa munna muñwe na muñwe, musadzi, mutukana, kana musidzana, hafha madekwana a ̄namusi, a re na ̄thodea. Huno, Khotsi, ri a ñivha uri rothe ri na ̄thodea. Huno musi ri tshi ̄tuwa, madekwana a ̄namusi, ngavhe ri tshi pfa mbiluni dzashu vhunga avho vho daho vha tshi bva Emausi, nga murahu ha...vho no ̄tanzielela mvuwo ya Kristo, vha tshi ri, "Naa mbilu dzashu a dzo ngo swa ngomu hashu musi A tshi amba na riñe ndilani?" Zwi tendele, Murena.

⁵ Fhodza vhalwadze na vha ̄thupheaho. Ngavhe hu sa vhi na a no shaya nungo vhukati hashu nga murahu ha tshumelo madekwana a ̄namusi. Huno n̄tha ha zwithu zwēhe, ngavhe hu sa vhi na mudzia-u-sa-tenda na muthihi a no sala, Murena. Ngavhe vhothe vha tshi tenda lu isaho kha Vhutshilo Vhu Sa Fheli, ngauri iyo ndi ndivho yashu ya u kuvhangana hafha.

⁶ Idzi phāthutshedzo ri a dzi humbelo uri Muvhuso wa Mudzimu u wane khuliso, nga Dzina la Yesu Kristo, Murwa wa Mudzimu. Amene.

Ni nga dzula.

⁷ Ndi zwavhūdi, madekwana a ̄namusi, u vhuya hafha. Huno ndi a vhona uri ri na vha si gathi vho imaho u mona hothe, huno ndi elekanya uri thi-thingo dzo vulea zwino, kha miði minzhi yo fhambanaho kha lushaka; San Francisco, Tucson, n̄tha vhubvaduvha. Huno riñe, nga luñingo, ri rumela dzindumeliso khavho. Ri ngomu ha oditoriamu hafha madekwana a ̄namusi. Huno oditoriamu khulwane yo ðala, na dziphatshisi; na u mona na dzimbondo, dzo ima dzo ðala vhathe. Huno ri pfectesa uri vhusiku ha matshelo ri khou yo lingedza u vula linwe sia hafha, u yela vhugudeloni, huno ra wana oditoriamu khulwane ine ya ðo londola khamusi vhathe vho engedzeaho zwituku vha tshigidi. Ngauralo ri fulufhela hezwo, vhusiku ha matshelo. Arali yo ðala madekwana a ̄namusi, vhusiku ha u thoma, mulandu, ri tenda uri zwi do vha zwiulwane vhusiku ha matshelo. Huno ndi a vhona uri vho engedza zwidulo, na tshinwe na tshinwe, nahone, madekwana a ̄namusi.

⁸ Ri na ndavhelelo khulwane; ya u thoma, U Da ha Murena Yesu; i tevhelaho, tshidzo ya...kha mimuya yo xelaho i no do Mu ḥanganedza madekwana a ḥamusī nahone ya dilugisela u Da Hawe musi A tshi bvelela.

⁹ Ndi ṭodou nea ndumeliso ya sipeshala na thanganedzo kha avha vhanā vhothe vhavhuđi vha re kha pulatifomo, zwine nda pfectesa uri vhunzhi havho ndi vhashumeli. Vha madana a si gathi, kana o engedzeaho, vho dzulaho kha pulatifomo, huno vhukuma ri a livhuwa uri vha hafha.

¹⁰ Kha inwi vhathe nothe, huňwe na huňwe hune na vha hone, kha zwipiđa zwe fhambanaho zwa lushaka...Huno ndi a pfectesa uri vhaňwe vha fhano vha tshi bva seli ha lwanzhe, seli ha lwanzhe. Ngauralo ri livhuwa u vha haňu fhano uri ni diphine nga uvhu vhučama na riňe, vhanе ra vha na ndavhelelo dzine Mudzimu a khou yo ri nea kha uno mučangano.

¹¹ Zwi tou nga, tshi bva tshee nda humbula u vhuya u itela haya mađuvha a si gathi a mučangano, mbilu yanga yo shushwa nga ndila i songo dōweleaho nga vhudipfi vhuhulwane ha uri tshiňwe tshithu tshi tsini na u itea. A thi đivhi uri tshi tou vha mini, fhedzi ndi fulufhela uri ndi nzumbululo khulwane i bvaho ha Mudzimu, ine ya do—do ri lugisa huno ya ri ita vhadzulapo vha khwine vha Muvhuso Wawe musi ri tshi khou tshimbila kha lino shango lo swifhalaho la tshiyhi na u sa tenda.

¹² Mavu haya madekwana a ḥamusī, henefha fhethu, ho mpfarela tshithu tshihulwane. Tshee nda đivha zwauri vho fhađa iyi oditoriamu ya tshikolo fhano, ndo ṭoda u vha na tshumelo afha fhethu. Ndi livhuwa nga maanda bodo ya tshikolo na avho vhanе nga ndila ya tshilidzi vha ri tendela u vha nayo.

Ho vha hu fhethu afha, henefho tsini na huňwe fhethu he itshi tshifhađo tsha ima madekwana a ḥamusī, he tshithu tshihulwane tsha itea miňwahani ya furaru yo fhiraho, henefha kha mavu enea. Ho vha hu si tshithu nga nnda ha tsimу ya muswielo nga itscho tshifhinga. Huno ndo vha ndi tshi dzula kha nndu ḥukhu phandanyana ha hafha, hune ha vha dzharata dici no ṭodou swika madana mavhili. Ndo vha ndi tshi kwamea nga maanda mađuvhani ayo nga tshidzo ya khotsi na mme anga. Vhane, vhothe a vha tshee ho madekwana a ḥamusī. Huno nga maandamaanda, nga ilo đuvha, ndo vha ndi tshi kwamea nga khotsi anga. Ndi a elelwa, ndo vha ndo edela kha vurannda. Yo vha i tshi dudela, tshifhinga tsha tshilimo.

¹³ Heli lo n̄waliwa, ndi a tenda, buguni ḥukhu i vhidzwaho Yesu Kristo A Sa Shanduki Mulovha, ḥamusī, Na Lini Na Lini, kana khamusi lo vha li buguni ḥukhu i no vhidzwa A Tho Ngo Vha A Sa Thetshelesi Bono La Tađulu.

¹⁴ Huno ndo lala vuranndani, khathihi fhedzi nda karuswa, huno muhwalo wa da mbiluni yanga u itela khotsi anga. Vhunga, vhunzhi haňu vhathe hafha vha mudi no vha ni tshi đivha

khotsi anga. Ndi elekanya uri o vha e munna muhulwane, naho o vha e muitazwivhi. Huno, fhedzi o vha e na ndowellu mmbi, zwe nda lingedza u lwa na itsho tshithu nga maanda u ya nga he nda kona, kha tshikhathi tshothe, tshine tsha vha, u nwa. Huno vhusiku uvho vho vha vha tshi khou nwa. Huno ndo vuwa ndi na muhwalo muhulu mbiluni u itela vhone. Huno ndo tou ambara phidzhama dzanga fhedzi, nda ambara vhurukhu hanga nga u ḥavhanyedza, hemmbe ya phidzhama yanga ya di sala yo ambarwa; nda tendeleka nn̄da kha tsimy iyi ya muswielo, u ḥodou swika he itshi tsha ima zwino, huno nda gwadama nda rabelela khotsi anga.

¹⁵ Huno musi ndi tshi kha di rabela nahone ndi tshi khou humbelu Mudzimu uri a mu tshidze nahone hu si u—u mu litsha a fa e muitazwivhi, uri ndo mu funa; huno musi ndi tshi kha di vha thabeloni, nda takuwa uri ndi sedze u yela vhubvaduvha u bva hafha, huno ha vha na bono. Huno o imaho nga nthā hanga, vhanzhi vhaṇu ni a divhā ilō bono, o vha e Murena Yesu.

¹⁶ Zwino, a thi dinwi nga thendo dza khole-khole, vhunga ndi tshi dzi divhā. Fhedzi mabono ndi a vhukuma. Huno heneffo ho vha ho ima Murena Yesu, lwa u tou thoma ndi tshi vhuya nda Mu vhona kha bono la ulwo lushaka. O vha a tshi tou vha, oo, thamusi fitihi dzi no ḥodou swika sumi nga nthā ha ḥoho yanga, o ima tshikhali, mulenzhe muthihi u tshi khou dzhia liga. O vha o ambara tshiambaro tshitshe, hu na lupendelo lwo monaho sia latsho. O vha e na mavhudzi a no swika mahadani Awe. O vhonala a tshi tou nga, Munna we Bivhili ya ri O vha, a tshi ḥodou swika furaru. Fhedzi, Muthu mułuku, musekene, mułukułuku, o vhonala a tshi nga O vha a si nga lemeli phaundu dzi no fhira dafuraru.

¹⁷ Huno nda sedza, nahone nda elekanya uri ho vha hu na tshithu, tsha uri ndi nga di vha ndo khakha. Ngauralo nda—nda swoṭa maṭo anga huno—huno nda sedza nthā hafhu. Huno O vha o ima nga lurumbu, tshivhumbeo tsha tshifhaṭuwo Tshawe tshi tshi vhonala thungo nthihi. Huno mbonalele dza tshifhaṭuwo Tshawe, dze tshifhinga tshothe nda dzi vhonala kha mabono, dzo vha dzi tshi fana na ḥoho ya Hofmann ya Kristo e na furaru. Ndi ngazwo itsho ndi natsho nquni yanga, kha mañwalwa anga, huñwe na huñwe hune ndi nga tshi vhea, ngauri iyo ndi ndila ye tsha vhonala tshi ngayo, lwo engedzeaho nga u tou ralo. Fhedzi, O vhonala e mułuku.

¹⁸ Huno musi ndo vha ndo Mu sedza, nda elekanya, “Ngangoho a thi khou sedza Murena wanga o imaho hafhalā.” Huno ndo vha ndi tshi tou nga, ndi nga ri, nga uvhu vhuimo, nahone khamusi heneffha hune iyi, nga fhasi ha hune iyi phuluphithi ya vha hone zwino. Huñwe fhethu, ho vha hu vhoponi uvhu, ngomu, kha gumavhupo ha he nda ima, he nda kona u ela lwa khwinesa, kha dzharata dza fuinā kana futhanu dza huñwe fhethu tsini dzinguni ili hafha, tshitendeledzi itshi.

¹⁹ Huno nda sedza n̄tha, huno O vha o ima heneffo. Huno nda luma munwe wanga, u vhona arali ndo vha ndo edela. Ndi a divha ndila ine na . . . Hu tou nga zwo vha zwi songo ralo. Huno nga itsho tshifhinga ndo vha ndi tshi kha di tou vha muswa Murenani, ndo no fhedza miñwedzi i no ṭodou swika miñanu na muthihi ndi tshi khou rera. Nda luma munwe wanga. Nda dzhia muswielo nda u vunda. Huno vhunzhi hañu vhathu ni dzulaho shangoni ili, ni a divha zwine itsho tshisomoli tshiñuku, tsha fana na, tshi re kha kha muswielo. Nda thoma u tshi ṭafuna. Huno nda ri, “Zwi—zwi nga si vhe nga u ralo. Ndi khou ḥora. Haya hanga ngoulaa. Khotsi, mma, na vhana ngevhalaaa. Asukwo kutivha kwa nn̄du ya kale ya zwidina kwe kwa vha ku tshi anzela u ima heneffha fhasi, he nda vha ndi tshi anzela u zwima masekwa, hune ha ṭodou swika dzharata dza mađana mavhili phanda ha hoku. Huno hafha ndo ima tsimuni; zwi tea u vha nga u ralo.”

²⁰ Nda raha mavu, nda sinda fhasi nga milenzhe yanga zwiñukuñuku, huno nda dzinginyisa ṭohoho yanga, nahone—nahone nda puta zwanda zwanga, nda sedza n̄tha hafhu; nda sedza thungo, nda sedza hafhu, huno A vha e heneffo, o ima heneffo. Huno maya wa thoma u vhudzula, huno nda vhona muswielo u tshi khou vhudzula. Huno musi wo no thoma u vhudzula, zwiambaro Zwawe zwa fhefheña nawo. Vhunga zwiambaro zwo anewa kha thambo, zwa thoma u—u mona. O vha o ima heneffo. Nda mu sedza.

²¹ Huno nda elekanya, “Arali ndi tshi nga tou sedza tshifhatuwo Tshawe!” Huno O vha o sedza vhubevañuvha, nga ndila *heyi*. O vha o hu sedza, nga vhukuma. Huno nda sudzuluwa, uri ndi mone, uri ndi kone u sedza tshifhatuwo Tshawe zwavhudhi. Huno ndo di wana ndi sa koni u Mu vhona zwavhudivhudi. O vha o isa zwanda Zwawe nga phanda Hawe, zwo tou dzumbama he nda vha ndo ima.

²² Nda mona hafhu. Huno nda kunakisa mukulo wanga, tshinwe tshithu tshi no nga hetshi, tsha ri, “hum,” u vhona arali ndo vha ndi tshi nga kunga tshenzhemo Yawe. Fhedzi Ho ngo sudzuluwa na kathihi.

²³ Zwenezwo nda elekanya, “Khamusi ndi do Mu vhidza.” Musi ndi tshi ri, “Yesu,” A rembulusa ṭohoho Yawe. Huno musi A tshi ntsedza, O tou putulula zwanda Zwawe. Ndi zwenezwo fhedzi zwine nda elelwa. Ngauri, li tshi ṭodou tsha, ndo vha ndo lala heneffha nn̄da huñwe fhethu hune fhethu afha ha vha hone zwino, tsimuni; hemmbe ya phidzhama yanga yo ḥukala tshothe, nga mitodzi, he nda vha ndi tshi khou lila. Huno ndo vha ndo ḥoka.

Tshifhatuwo Tshawe tsho vha tshi na zwiñalusi zwe ha vha hu si na muoli we a vha a tshi nga kona—a tshi nga kona u zwi ola kana u zwi pennda. A vho ngo kona u zwi ita. O vhonala a tshi nga Munna we, arali no vha ni tshi nga Mu sedza, A vha a

tshi ṭodou lila e na u pfela vhuṭungu, na ḥompho i re na khuliso; huno naho zwe ralo e na maanda o edanaho lwe, a vha a tshi nga amba, zwa ganamisa shango. Huno zwiṭalusi a zwe ngo kona u fashwa nga muoli na kathihi.

²⁴ Huno na kathihi a tho ngo zwi ḫivha u swika ḥamusi zwe hezwo zwa amba. Huno ndi ḥafha madekwana a ḥamusi, nga murahu ha miñwaha ya furaru, ndo ima oditoriamuni yo kumedzelwaho zwino kha tshumelo ya Mudzimu Ramaandaothe. Huno nne, ndi tshi tou vha mu—murado zwawe, vhukuma, ndi tshi tou vha mu—muhulwane wa heneffo hayani kha—kha tshihidzo tsha Baphuthisi fhano, tshe Roy Davis a vha e mufunzi nga itsho tshifhinga. Huno zwino ndo ima hafha na fhethu ho tsitsikana, heneffa kha mavu enea, na . . . kha zwine nda elekanya, uri ndi thengo ya Malofha a Yesu Kristo Ene muñe, zwandani zwanga, u disa hoyu Mulaedza wa mađuvha maña wa Murena.

²⁵ Hu tshi ṭodou fhela miñwedzi i no ṭodou swika miñanu na muthihi nga murahu ha hezwo, ndo do vha na ndovhedzo yanga ya u thoma hafha fhasi mulamboni, musi Tshedza tshi tshi tsela fhasi hafha Tshiṭaraṭani tsha Spring. Vhunzhi hanu vhathu ni nga di ṭoda u tsela fhasi nahone na hu vhona, Tshiṭaraṭani tsha Spring na mađi, heneffo tshikoni tsha mulambo. Huno heneffo ndi he Muruhwa wa Murena a bvelela vhathuni, lwa u thoma, na nga awara ya vhuvhili nthia ha tshithoma, nga mañwe masiari. Huno Ipfi la bva khaye, la ri, “Vhunga Yohane Mulovhedzi o ruñwa u ranga phanda u ða ha u thoma ha Kristo, Mulaedza wau u ðo ranga phanda U Ða ha vhuvhili.”

²⁶ Hezwi ndi nga murahu ha miñwaha ya furaru, huno ndi hafha, madekwana ano, ndi kha di ḫivhadza uyo Mulaedza. Huno Wo ya u mona na shango ḥothe, huno ndo takala ndo vhuya ḫoroboni ya haya hanga, madekwana a ḥamusi, u imela Murena Yesu Kristo uyu ane nda kha di mu funa nga mbilu yanga yothe. Duvha liñwe na liñwe U kha di diengedza u difha u fhira zwe A vha e zwone duvha ḥo fhiraho. Na kathihi a tho ngo shandukisa na ḥedere ḫukhu na nthihi kha Pfunzo yanga. Tshithu tsha u thoma tshe nda thoma ngatsho, ndi kha di tenda tshenetsho tshithihi madekwana a ḥamusi. Ha shanduki mulovha, ḥamusi, na lini na lini. Zwino ndi na Mulaedza une nda vha na vhuḍifhinduleli khawo.

²⁷ Musi Mulaedza u tshi thoma, wo vha, hu si na zwiñwe, muñwe na muñwe; a tshi khou rabelela vhalwadze, zwiga zwiḥulwane, swimangadzo, na mađembe. Hezwo zwe thoma, nga maanda kha vhathu vha Pentekoste, mvuseledzo yo angaredzwaho ya khunguwedzo dza phodzo dze dza ḫanganya shango. Kha miñwaha yo ḫalaho ya fumiṭhanu ho vha na dzimvuseledzo muvhunduni muñwe na muñwe u re hone, ndi zwi dzhia nga u ralo, mililo ya mvuseledzo i tshi khou duga. Vhukuma vha dzimilioni vho ḫanganedza Kristo sa Mutshidzi

wavho, nga iyo ndaela nthihi. Heyo yo susumeda, u bva afho, ya ya kha Oral Roberts, na vhañwe-vho, nahone ya ya phanđa na phanđa, musi i tshi mona hothe.

²⁸ Nga murahu, tshivhidzo tsha Pentekoste tshi kha bindu latsho lo faho, sa zwe zwa vha zwi zwone nga itsho tshifhinga. Ndivho dzanga na lutamo, madekwana a ñamusi, ndi u karusa itsho tshivhidzo, hafhu, kha U Da ha Murena Yesu hu re tsini. Ndi tea u tshi kaidza. Ndi tea u kaidza tshivhi tshi kha mukhwa muñwe na muñwe. A thi khou zwi ambela dinomineisheni ya muñwe muthu lini. Ndi na Mulaedza.

²⁹ Zwino, zwi a kondja u dzhena tshivhidzoni nga mulamedzi, sa zwe zwa vha zwi zwone kha Murena Yesu washu, ngauri ndi Ene; a si nne. Fhedzi vhunga O rera mathomoni, huno a fhodza vhalwadze, a vusa vhafu, huno a tanzwa vha mapele, nahone a pandela mimuya mivhi, muñwe na muñwe o Mu tøda. Fhedzi hu ña tshifhinga hune ha vha na Mulaedza une tshifhinga tshothe wa tevhela tshiga tshiñwe na tshiñwe, ngauri tshiga tshi na ipfi.

³⁰ Fhedzi musi A tshi dzula fhasi linwe ñuvha, huno a ri, "Nñe na Khotsi Anga ri Muthihi," hezwo zwo vha zwo engedzeaho u fhira zwe vha vha vha tshi nga zwi imela. Nahone, ho vha, musi A tshi ri, "Nndani ha musi ni tshi la ñama ya Murwa-muthu nahone na nwa Malofha Awe, a ni na Vhutshilo kha inwi."

³¹ "Hani?" Mulandu, madokotela na vhathu vha no elekanya zwavhudj vho vha vha tshi do vha vho ri, "Hoyu Munna ndi lìdyamalotha la vhathu, li no khou lingedza u ita uri inwi ni le ñama Yalo nahone na nwa Malofha Alo." Na kathihi Ho ngo zwi talutshedza. O tou zwi amba fhedzi.

³² Huno madekwana a ñamusi ni nga di pfa zwithu, nahone kha mutangano, zwi no sokou ambiwa. Ri nga di kundelwa u talutshedza. Fhedzi, elelwani, Yesu Kristo u a sa shanduki mûlovha, ñamusi, na lini na lini. Ri a zwi tenda.

³³ Zwino, a ri na tshifhinga tsha u ambesa, ngauri ri na zwiñwe zwifhinga zwa u thoma fhano na zwiñwe zwifhinga zwa u bva. Huno ri todou tonda bodo ya tshikolo ye ya ri dzudzanyela zwifhinga, nahone ri do ita zweþe zwine ra kona u vha tonda.

³⁴ Elelwani, tshifhinga tshiñwe na tshiñwe tshire muitazwivhi a todou ña kha Kristo, zwine na tea u ita zwone ndi u da hafha ñtha, kana ndi khou rera, u imba, tshiñwe na tshiñwe tshire tshi nga vha tshone, huno na ñekedzela vhutshilo hanu kha Kristo nga tshenetsho tshifhinga, imani vhudzuloni hanu. Hezwo ndi zwe ra ðela zwone fhano, u ni farisa.

³⁵ Ndi todou amba na Mukomana Vayle, Mukomana Rober-... Borders, na vharathu fhano. Arali... a thi ðivhi arali vha songo kona u vha na tshumelo ya u ñea ndaela, tshivhidzoni, nga masiari, kana nga mañwe matsheloni, kana tshiñwe tshithu, u itela avho vha no khou ñoda ndovhedzo ya Muya Mukhethwa. Naa izwo zwi do vha zwö luga, inwi vharathu? Murathu Neville

na inwi no̥the no vha ni tshi nga ya hangei, na Mukomana Capps. Arali muñwe muthu a tshi ḥodou laiwa malugana na ndovhedzo ya Muya Mukhethwa, ndi ngani ni sa di kha thaberenakele... Naa ndi mini tshire tsha ḥo vha tsha khwinesa, nga matsheloni kana nga masiari?

³⁶ [Muñwe u ri, “Nga matsheloni.”—Mudz.] Nga matsheloni, i tshi ḥodou rwa awara ya fumi n̥tha ha tshithoma? I tshi ḥodou rwa awara ya fumi n̥tha ha tshithoma nga matsheloni.

³⁷ Arali ni na mbudziso malugana na Pfunzo, arali ni na mbudziso malugana na Mulaedza, arali ni—arali ni tshi ḥodou vha... ni sa athu shumelwa, inwi mune, ni tshi ḥodou rabelelwa, kana tshiñwe tshithu tshire na ḥodou tshi ḥivha kha iyo mikhwa, ndi ngani ni sa tou redzemutshela henengei fhasi nga awara ya fumi nga matsheloni huno na vhona avha vhanna. Hu do vha mutihi kana vhanzhi henengei vha u laya, u rabelela vhalwadze, u fhindula dzimbudziso. Munna a re mushumisani zwawe, zwo luga, u... Inwi ni tou ya khavho, huno vha do takalela u ni farisa nga ndila inwe na inwe ine vha kona.

³⁸ Zwino, ri sa athu sendela kha Ipfi, ri khou ḥodou sendela kha Muñwali wa Ipfi hafhu. Ni nga di lesa; ni nga di nwesa; ni nga di seesa; ni nga di tshimbilesa; fhedzi na kathihi ni nga si rabelese. “Ndi tama munna a tshi rabela huñwe na huñwe, o imisela zwanda zwikhethwa n̥tha a si na thimothimo kana vhuhali.”

Kha ri rabele.

³⁹ Yesu a funwaho, Muñwali wa Ipfi la Vhutshilo, nahone U ilo Ipfi, zwino ri sendela kha Iwe ro khwathisa nga murahu ha u ḥalutshedzwa ha bono. Helo, Mudzimu, U a ntanziela uri helo ndi ngoho. Murena Yesu, ndi a rabela uri U dolise maipfi madekwana a ɣamusi kha u pfa ha ndevhe iriwe na iriwe i re fhasi ha mubvumo Mukhethwa. Huno arali hu na vhañwe hafha, kana vha no khou thetshesela nga ngomu, nn̥da kha lushaka, arali vha songo lugela na u dilugisela nga tshino tshifhinga u livhana na khaedu ya awara, Mulaedza u bvaho ha Mudzimu, u shanduka na u dilugisa, ngauri Muvhuso wa Mudzimu u khou sendela. Ri rabela uri zwi ḥo vha nga u ralo, madekwana a ɣamusi, khavho, uru vha ḥo livhana na khaedu ya ino awara.

⁴⁰ Oo Mudzimu, ndo vha ndi tshi ḥo rabela uri ndi wane pfariso, ndi tshi divha vhudifhinduleli na zwine ha amba, na zwine nda fanela u fhindula nga Duvha la Khathulo, kha zwo̥the zwine nda zwi amba fhano na huñwe-vho. Mpfarise u fulufhedzea tsho̥the, Murena, kha zwo̥the zwine nda ita kana u amba kha Ipfi Lāu, uri li kone u bveledza mutshelo. Ngauri, vhunga ndaela Yau yo vha i, “Heli Ipfi li songo ɣuwa mulomoni wau; fhedzi u li elekanye, masiari na vhusiku, uri u kone u tevhedze zwo̥the zwo ñwalwaho mulayoni. Huno zwenezwo u ḥo ita uri ndila dzau dzi vulee, nahone zwenezwo u ḥo vha n̥a mvelelo yavhudī. A tho ngo u

laya. Ivha na nungo nahone u vhe na tshivhindi nga maanda, ngauri Murena Mudzimu wau u na iwe hothe-hothe hune wa ya.” Murena Yesu, ita uri zwi vhe nga u ralo, madekwana a ɿamusi. Ri rabela nga Dzina la Yesu. Amene.

⁴¹ Nga Łavhučanu na Mugivhela, u bva nga awara ya fumi u swika kha ya fumimbili, thaberenakeleñi kha 8 na Tshiṭaraṭa tsha Penn, hu do vha na dzindaela, phindulo dza pfunzo, thabelo dza vhalwadze, na zwiñwe zwinzhi. Idani ngeno arali ni na mbudziso, tshiñwe na tshiñwe tshire na ḥoda. Henengei hu do vha na vhanna vha no ḥo li-li dzudzanya. Murena a ni ḥaṭutshedze.

⁴² Zwino, u itela tshumelo ino ya u vula madekwana a ɿamusi, ndi nga si kone u ita tshithu nga nn̄da ha u i vula nda livha kha Mulaedza washu. Itsho ndi tshe ra ḥela tshore fhano, nahone zwino ndi tshe nda vhuyela tshore.

Huno nga matsheloni a Swondaha, Murena a tshi funa, ndi ḥodou livhana na iyo khaedu khulwane ya ḥuvha, ine ya vha *Mbingano Na Muṭalano*.

⁴³ Zwino, kha Vhagalata 4:27, ndi tama u vhala haya Maipfi, 4:27 u swika 31, dzo katelwa.

Ngauri ho ḥwaliwa, Takala, iwe muumba u sa bebi; phula huno u lile, iwe u sa pfi vhuṭungu: ngauri o furalelwaho u na vhana vhanzhi-vhanzhi u fhira uyo a re na munna.

Zwino riñe, vharathu, sa zwe Isaka a vha e zwone, ri vhana vha pfūlufhedziso.

Fhedzi sa izwo uyo we a bebwā lwa ɿama o tambudza uyo we a bebwā lwa Muya, na zwino zwe ralo.

Naho zwe ralo luñwalo lu ri mini? Pandelani musadzi a re phuli na ḥwana wawe: ngauri murwa wa musadzi a re phuli a nga si vhe muļaifa na murwa wa musadzi a si phuli.

Ngauralo zwenezwo, vharathu, a ri vhana vha musadzi a re phuli, fhedzi vha o vhofholowaho.

⁴⁴ Murena nga a engedze phaṭutshedzo Dzawe kha u vhalwa ha Ipfi Ławé. Zwino, ndi a tenda hafha uri ndi dzhia liñwalwa li no nga ili, lisili nga maanda, li si la misi. Fhedzi tshiñwe tshifhinga ri wana Mudzimu kha idzo awara dzisili, dzi si dza misi, ndila dzi si dza misi, zwithu zwi si zwa misi, ngauri Mudzimu a si wa misi. Huno avho vhane zwa vhukuma vha Mu shumela zwi tshi bva mbiluni dzavho, vha Mu shumela nga ndila i si ya misi, kha zwithu kana ndila dza shango. Ili liñwalwa li vhidzwa: *Mbeu A Si Muļaifa Na Ganda*.

⁴⁵ Hafha Paulo u khou amba nga ha mbeu vhukuma ya vharwa vhavhili vha Abrahama. Paulo, o takala, ene mune u khou ḥidisa kha vhuimo ha mbebo nga musadzi o vhofholowaho.

⁴⁶ Zwino, ri a divha zwauri Abrahamu o vha e na vharwa vhavhili, nga vhasadzi vhavhili vho fhambanaho. Mudzimu o mu nea pfulufhedziso nga Sarah, nga kha Sarah, kha ndi ralo, uri hu do vha na Murwa a no do bebwa, nahone nga uyu Murwa shango li do fhatutshedzwa. Tshakha dzothe dici do fhatutshedzwa nga kha hoyu Murwa. Huno zwi tendwa hothe, nga maanda kha Vhayuda, uri hoyu o vha e Isaka, fhedzi o vha e si ene. Hoyu Murwa o fulufhedziswaho wa Abrahamu ndi Yesu, huno ndi Wa pfulufhedziso ya Mbeu ya Vuhosi, ya Abrahamu. Fhedzi Abrahamu e na vhana vhavhili . . .

⁴⁷ Muthihi, nga–nga Hagara, we a vha e muthusi wa mufumakadzi wawe; muthusi wa Muegipita wavhudzi, wa u naka, we Abrahamu a mu wana ngei Egipita a tshi itela ene, uri a vhe wawe . . . muthusi wa mufumakadzi wawe. Huno Sarah, a tshi khou elekanya uri Mudzimu a nga si kone u fulufhedzea kha pfulufhedziso Yawe yothe, a vhudza Abrahamu u dzhia Hagara, muthusi wawe, na u mu mala, (zwe, vhumalavhasadzivhanzhi ha vha hu tshi tendelwa kha ayo maduvha) na u disa nwana; huno iyo ndi ndila ye Mudzimu a zwi pulana, zwauri o vha a tshi khou yo vha na nwana nga Hagara fhedzi. Fhedzi ri wanulula uri zwe vha zwi songo ralo.

⁴⁸ Zwino ri a pfectesa, hafhu, zwauri Mudzimu u khunyelela kha raru. Zwino, Mudzimu u “itwa o khunyelelaho” nga *tharu*. “Tshilidzi” ndi *thanu*. *Sumbe* ndi “mvuledzo,” vhunga shango.

Mudzimu u khunyelela kha Khotsi, Murwa, Muya Mukhethwa. Iyo ndi khunyeledzo ya U Vha Mudzimu. Mudzimu muthihi wothe, nga u vhonadzwu huraru, ha zwiyalusi zwiraru zwa tshidulo tshithihi, kana zwidulo zwiraru kha U Vha Mudzimu huthihi.

⁴⁹ Zwino, hafhu hu na raru kha khunyeledzo, ya maga a tshilidzi, kha Tshividzo; u itwa o lugaho, u khethefhadzwa, ndovhedzo ya Muya Mukhethwa. Hezwo zwi itwa nga Mbebo Ntswa, u tou fana na mbebo ya mupo i tshi fanyiswa ngayo. Zwine, musadzi a tshi khou beba nwana, tshithu tsha u thoma u da ndi madi, malofha, huno ha da vhutshilo.

Bivhili yo ri, kha Yohane Ya U Thoma 5:7, kana 7:5, ndi tenda uri ndi yone, ye ya ri, “Hu na vhararu vhane vha tanzilela ngei Tađulu; Khotsi, Ipfi,” we a vha e Murwa, “na Muya Mukhethwa; havha vhararu vha Muthihi. Hu na zwiraru zwine zwa nea vhučanzi kha lifhasi;” Ipfi, “madi, malofha, na Muya. Madi, malofha, na Muya; hezwi zwiraru zwi a andana kha tshithihi.”

⁵⁰ Zwino, Khotsi, Murwa, na Muya Mukhethwa, vha Muthihi. Ni nga si kone u vha na Khotsi nga nnđa ha u vha na Murwa; ni nga si kone u vha na Murwa nga nnđa ha u vha na Muya Mukhethwa. Fhedzi ni nga itwa o lugaho nga nnđa ha u khethefhadzwa; ni nga khethefhadzwa nga nnđa ha u dala

nga Muya Mukhethwa. Hezwo ro zwi sumbedza nga nzudzanyo ya mupo.

⁵¹ Zwino, huno vhunzhi hanu, khamusi, ndi nga di vha ndi usili kha inwi. Huno a—a thi na pfunzo; ndi na ngoho ya uri ni vho pfesesa. Fhedzi ndi funza nga zwifanyiso, vhunga tsha mupo tshi tshi fanyisa tsha mya.

⁵² Zwino, ri a vhona uri hu na vhararu kha khunyeledzo. Mudzimu u khunyeledza kha vhararu, zwino. Huno avho, kha khunyeledzo ya mbeu ya Abrahamu, vho vha vhe Ishmaele, Isaka, Yesu. Ishmaele a tshi bva kha musadzi a re phuli, Isaka a tshi bva kha musadzi o vhofholowaho, huno vhuvhili havho nga vhudzekani; fhedzi Kristo Yesu a tshi bva kha musidzana a sa ñivhi munna, hu si na vhudzekani.

⁵³ Hafha, “Mbeu,” nthihi, Mbeu nthihi; hu si dzimbeu, fhedzi Mbeu nthihi. Hedzi dziñwe dzo vha dzi si mbeu dza Abrahamu, ngauri “Mbeu” ya Abrahamu yo vha i Mbeu yawe ya lutendo ye Mudzimu a vha a tshi i amba, hu si mbeu yawe ya mupo. Ngauri, nga murahu ha u lovha ha Sarah, Abrahamu a mala muñwe musadzi huno a vha na vharwa vhañanu na vhavhili, nga nnđa ha vhananyana. Ngauralo yo vha i si nga vhi mbeu dza Abrahamu, yo vha i “Mbeu” ya Abrahamu, nthihi. Huno iyo yo vha i Mbeu ya lutendo ya Abrahamu, i sumbahö kha Mbeu ya Vhuhosi ye ya vha i tshi tea u ña nga lutendo lwa Abrahamu; hu si vhutshilo ha mupo ha Abrahamu, fhedzi vhutshilo ha mya ha Abrahamu; we a dzhia tshiñwe na tshiñwe tshi tsho fhambanaho na Ipfi la Mudzimu huno a tshi dzhia unga tsho vha tshi songo ralo, huno a tenda Mudzimu; hu si na fulufhelo, a tenda kha fulufhelo. Iyo ndi Mbeu vhukuma ine ra khou amba nga hayo.

⁵⁴ Hafha ri khou nekedzwa tshifanyiso. Oo! Mbeu yo thoma, mbeu ya pfulufhedziso, yo thoma kha thimothimo yo tinwatiñwahonyana, ya pfulufhedziso ya mathomo. Vhonani uri i thoma fhasi hani, kha thimothimo kha pfulufhedziso ya mathomo. Mudzimu o fulufhedzisa Abrahamu, nga kha Sarah, u vha na hoyu ñwana. Fhedzi zwino sedzani, mbeu ya u thoma ya Abrahamu nga musadzi a re phuli i ña nga Sarah a tshi timatima uri hezwi zwe vha zwi tshi ño itea, ngauri o vha o no kegula nahone o no fhira tshikhathi tsha u beba.

⁵⁵ Zwino heyo ndi ñdila ine tshivhidzo tsha thoma. Heyo ndi ñdila ine tsha thoma tshifhinga tshoþhe. Ni thoma fhasi. A ni thomi ñtha lini. Munna a no khou lingedza u namela leri, a tshi lingedza u swika ñtha u thoma, u ño vunða mutsinga wawé. Ni tea u thoma huno na gonya u swika hangei.

Huno hafha ri wana u ranga ha pfulufhedziso ya Mudzimu i tshi vhonadzwa, nga mbekanyamushumo yo tinwatiñwahonyana, yo thithiswaho ya Mudzimu.

⁵⁶ Iyo ndi ñdila i fanaho na ye tshivhi tsha thoma ngayo tsimuni ya Edeni. Iyo ndi ñdila ye lufu lwa thoma ngayo nga tshivhi, musi

Ipfi ḥa Mudzimu lithihi ḥi tshi dologiya nga ndila i si yone kana ḥa tiñwatiñwa. Ni nga si timatima kana na bvisa Ipfi ḥa Mudzimu lithihi vhudzuloni, line la vha U RALO MURENA, ngauri Ipfi liñwe na liñwe ḥalo nga ḥi vhe nga u ralo.

⁵⁷ Huno Sarah hafha, na kha uyo we pfulufhedziso (Sarah a musadzi, zwine zwa vha tshifanyiso tsha tshivhidzo), ya nea thimothimo kha mbekanyamushumo ya mathomo ya Ipfi ḥo fulufhedziswaho ḥa Mudzimu, huno a ri, “Vhone, Abrahamu, munna wanga, didzhiele uyu muthusi o nakaho, huno u dzule nae, nahone u vhe munna wawe. Huno Mudzimu u do nea iyi mbeu ya pfulufhedziso nga khae, huno ndi do dzhia ñwana.” Ni a vhona, nga u tou pfuka ledere ḥukhu nthihi, zwo shandukisa mbekanyamushumo yoþhe.

Ngauralo-ha, ri khou tea u dzhia Ipfi ḥa Mudzimu liñwe na liñwe sa U RALO MURENA. Ipfi ḥa Muzimu liñwe na liñwe ndi ngoho.

⁵⁸ Hafha mbeu i thoma-ha kha pfulufhedziso, yo tiñwatiñwahonyana. Isaka e mbeu ya musadzi o vhofholowaho nahone o fulufhedziswaho, o bveledza, sa Paulo o vha a tshi khou lingedza u ḥalutshedza hafha kha Vhagalata, o bveledza mbeu ya mupo, yo fulufhedziswaho. Huno u bvela phanda na u amba hafha uri vha—vhana vha musadzi a re phuli vha nga si kone u vha vhalifa na vhana vha musadzi o vhofholowaho, ngauri vhe vha khethekanyo mbili dzo fhambanaho.

⁵⁹ Huno, izwo ndi ngoho, a sa tendiho a nga si kone u vha mułifa na mutendi. A hu na nga inwe ndila, na luthihi. Afho ndi hone hune ha vha na khakhathi ñamusi. Ni nga si ite khukhwana ya dinomineisheni uri i tende na goni. Ni nga si tou kona u zwi ita. Afho ndi hune khakhathi ya ña. Ni tea u tenda Ipfi ḥa Mudzimu liñwe na liñwe. Ni tou... A ni vhalifa noþhe. Nahone inwi ni nga si—ni nga si vhe muthihi naþo; ni nga si zwi kone. Ni tea u vha goni kana khukhwana.

⁶⁰ A yo ngo kona u vha mułifa na Ishmaele, mbeu ya musadzi a re phuli, wa...nga nthani ha u timatima. Sarah o timatima Ipfi ḥa Mudzimu, ḥa uri Mudzimu o vha a tshi kona u Li vhulunga. Dzhielani nzhele Abrahamu! Ni a vhona uri ndi khou fhaþa kha mini ndi tshi itela matsheloni a Swondaha. Abrahamu ho ngo zwi timatima. Sarah ndi ene we a zwi timatima; ndi ene. A si Adamu we a timatima; ho vha Efa we a timatima. Ngauralo, zwenezwo, ri ño wana zwo engedzeaho nga ha hezwo musi ri tshi isa phanda nazwo nga matsheloni a Swondaha.

⁶¹ Nahone a zwi konei uri wa maya a vhe...wa mupo a nga si vhe mułifa na wa maya. Na vhana vha Ishmaele vha nga si vhe mułifa na—na vhana vha Isaka, huno na vha re vha ñama vha nga si vhe mułifa na vha maya.

⁶² Tshivhidzo tsha mupo; Tshivhidzo tsha maya. Hu na tshivhidzo tsha mupo tshine vhasadzi havha hafha vha tshi

fanyisa; huno Tshivhidzo tsha maya, na tshone-vho. Ngauralo, tshivhidzo tsha mupo na Tshivhidzo tsha maya zwi nga si vhe małaifa zweathe. Ndi zwifhinga zwivhili two fhambanaho, zwe fhandekanaho; vhatu vhavhili vho fhambanaho, vho fhandekanaho; vha re fhasi ha milanga mivhili yo fhambanaho, yo fhandekanaho.

⁶³ Ndi ngazwo U Takulelwa Tađulu ho fhambana, nahone hu tshi do vha fhedzi ha Mbeu ya Abrahamu ya vhuhosi. Hu nga si de nga mbeu ya mupo, ya ńama ya tshivhidzo. I do tea u vha Mbeu ya vhuhosi ya Ipfi la Mudzimu, nga kha Abrahamu, Mbeu ya vhuhosi. Ndi ngazwo U Takulelwa Tađulu hu tshi tea u vha ha u thoma.

Ngauri, elelwani, “Riņe ri tshilaho nahone ri vho salaho a ri nga thivheli, a ri nga rangeli avho vho edelaho. Ngauri porompiṭa ya Mudzimu i do lila, vhafu vha re kha Kristo hu do vuwa vhone u thoma. Riņe ri tshilaho nahone ri vho salaho ri do takulwa navho, rothe, huno ra ḥanganedza Murena tuyani.” Dzhielani nzhele, huno zwe nwala hafhu, “Huno vhafu vhańwe vha si tshire, lwa minwaha ya tshigidi.”

⁶⁴ Ngauralo-ha, hangei, a vha nga vhi małaifa vhothe. Vha nga si vhe kha U Takulelwa Tađulu vhothe. Zwa vhukumakuma hu na tshivhidzo tsha mupo, na Tshivhidzo tsha maya; tshivhidzo tsha ńama, Tshivhidzo tsha maya. Zwenezwo, ni a vhonam, fhano a hu na . . .

⁶⁵ A hu na Khaṭhulo kha Mbeu ya vhuhosi, ya maya, yo tiwaho ya Abrahamu, ngauri vho telwa kha Vhutshilo Vhu Sa Fhel. Vho ḥanganedza Tshiṭhavhelo tsho nekedzwaho tsha Mudzimu; huno itsho Tshiṭhavhelo, tsho vha tshi Kristo, Ipfi.

“Huno ngauralo-ha zwino a hu tshe na u latwa.” Yohane Mukhethwa 5:24, arali ni tshi ḥoda Luriwalo. “Ngauralo-ha zwino a hu tshe na u latwa kha avho vha re kha Kristo Yesu,” Vharoma 8:1, “vha sa tshimbili nga lwa ńama, fhedzi nga lwa Muya,” kha Vharoma 5:24, “Ane a pfa Ipfi Langa,” ipfi henefho ndi, “u pfesesa.” Tshidakwa tshińwe na tshińwe, tshińwe tshithu-vho, tshi nga Li pfa huno tsha ḥuwa. “Fhedzi ane a pfa Ipfi Langa, a pfesesa Ipfi Langa, huno a tenda kha Uyo o Nthumaho, u na Vhutshilo ha lini na lini, nahone a nga si dzhene Khaṭhuloni; fhedzi o bva lufuni a ya Vhutshiloni.” Ee, muńe wanga.

Uyo ane itsi tshiphiri tshihulwane tsha Mudzimu tshi no khou divhadzwa, a pfesesa, uri Mudzimu kha Kristo o vha a tshi khou Divhuedzanya hani na shango, uri Ene na Khotsi vho vha vhe Muthihi hani, uri zwiphiri zwihulwane zwa u khunyelela ha Mudzimu a tshi Didzhia na u didisa, a tshi vhonadzwa kha tshikhathi tsha vhatu, na kha vhubleme ha vhatu, na kha u vha na vhańwe vhatu; u ita uri Ipfi Lāwe li vhonadzwe nga ilo duvha, kha u ḥavha ha duvha ha vhubvaduvha, na u ita

zwenezwo zwithihi vhunga ḋuvha li tshi kovhela vhukovhela, u Divhonadza Tshivhidzoni tsha Muselwa, Ipfi li vhonadzwaho. Ni a vhona? I do ralo, na yone-vho. "Ane a pfectesa," izwo ndi, "u ḋivha, zwe a dzumbulelwa, zwa Uyo we a Nthuma, u na Vhutshilo ha lini na lini, nahone a nga si dzhene Khaṭhuloni; fhedzi o bva lufuni a ya Vhutshiloni."

⁶⁶ Mbeu ya mupo yo vha i tshihwali fhedzi tsha ya maya, Mbeu. Vhunga tshikonyi, tsinde, na ganda. Ro no di fhira khazwo, kha muñwe Mulaedza, fhedzi ndi do takalela u u ṭola zwiṭuku, ngomu hawo, kana u humela khawo hafhu lwa tshifhinganyana fhedzi.

⁶⁷ Zwino hafha hu na zwiimo zwiraru zwa mbeu, zwi ri ṭanelia tshifanyiso vhukuma, zwiteidzhi zwiraru zwa mbeu ya mupo lifhasini. Vhunga mbeu i tshi ṭavhiwa, i bveledza tshikonyi, zwigavhi zwi re na dzimbemba zwi bvaho khalwo; ha tevhela tsinde, ha tevhela muvula u tshi nembelela khalwo; huno ha tevhela ganda; nahone ha tevhela mbeu hafhu.

⁶⁸ Sedzani zwiimo hezwi zwa hetshi tshifanyiso tsho fhelelaho hafha, na uri zwi shuma haní kokotolo kha tshifanyiso, ngauri Mudzimu ndi ene Musimuli wa mupo woṭhe. Ngauralo-ha mupo u nga si kundwe u kundelwa u fhira u kundelwa ha Mudzimu a sa kundelwi, ngauri Ndi Ene We a vhea tshithu kha nyimele yatsho u itela—u itela riṇe uri ri sedze na u vhona.

⁶⁹ Dzhielani nzhele Hagara, tshikonyi, tshe tsha vha tshi u ranga ha u thoma ha Mbeu i tshi aluwa. Zwino, a tsho ngo vhonala tshi tshi nga tshiñwe tshithu tshi no nga Mbeu. Tsho vha tshi tshikonyi, ngauri o vha e musadzi a re phuli, a siho kha pfulufhedziso na luthihi; a si na mushumo na Ipfi, a tshi tou vha muendedzi wa Mbeu.

⁷⁰ Dzhielani nzhele Sarah, tsinde le la vha li na muvula, lula lushaka lwa Vhayuda lwo simuwahō khae. Khao, kha Sarah hu bva, we a ḋisa Isaka; nga Isaka, ho ḋiswa Yakobo; Yakobo o ḋisa vhokhotsi; nahone nga vhokhotsi, ho bveledzwa lushaka.

⁷¹ Maria, lutendo lwa musidzana a sa ḋivhi munna, o bveledza Mbeu ya Ipfi ya vhukuma, ya maya yo itwaho ḋama. Ni a vhona?

Vhasadzi vhararu, vhasadzi vhararu vhe heyi Mbeu ya hwalwa ngavho. Muñwe wavho zwavhudivhudi o vha e wa vhupombwe, fhasi ha vhumalavhasadzivhanzhi; wa vhuvhili o vha e musadzi o vhofholowaho; huno wa vhuraru ho ngo vha na mafhungo a vhudzekani na luthihi, fhedzi nga lutendo o tenda Ipfi ḥa Mudzimu. Hagara, Sarah, vhuvhili havho Sarah na Hagara, ho vha hu vhudzekani; fhedzi Maria o vha e musidzana a sa ḋivhi munna, nga maända a Ipfi ḥa Mudzimu lo fulufhedziswaho. Izwo ndi zwone.

⁷² Luṭanga, Hagara (vhasadzi vhavhili), lwo timatima pfulufhedziso, fhedzi sedzani zwe hezwo zwa zwi bveledza. Musi Hagara, musadzi wa vhuvhili wa Abrahamu, we vhukumakuma

a vha a tshi tou vha mufumakadzi a re mufarekana, fhedzi o bveledza munna, fhedzi (naa o vha e munna wa lushaka-de?) Bivhili yo ri o vha e “munna wa vhuhali.” O tshila nga vhura hawe, huno a hu na munna we a vha a tshi nga mu kunda. O vha a sa langei, a sa rembulusei, a songo newa vhutshilo vhuswa. Ho ngo kona u langea. O vha e munna wa vhuhali, ngauri o vha a sa pfani na Ipfi la Mudzimu.

Huno tshiñwe na tshiñwe tshi sa pfani; mureri muñwe na muñwe, murado muñwe na muñwe zwawe, tshivhidzo tshiñwe na tshiñwe, tshi sa pfani na Ipfi la Mudzimu; tshi do bveledza tshigwada tsha vhuhali, tshi re phombwe tsha Hollywood ya shango, nahone a tshi koni u kwambatela Ipfi li songo vangwaho, ngauri a tsho ngo vhuya tsha katelwa kha pfulufhedziso. Hai.

⁷³ Sarah, mufumakadzi vhukuma wa pfulufhedziso, e tsinde, o bveledza munna o vuðaho. Nga murahu, o bveledza lushaka lwo fulufhedziswaho lwo shumelaho Mudzimu. [Tshikhala kha theiphi—Mudz.]

Fhedzi, Maria, hu si nga vhudzekani na luthihi, fhedzi a tenda Ipfi lo fulufhedziswaho; musi e musidzana o kunaho, a sa divhi munna. Huno Muruñwa wa Murena o ḥangana nae, ha pfi, “Avuani, Maria, wo fhañtshedzwa vhukati ha vhasadzi, ngauri Mudzimu u na iwe.”

⁷⁴ Huno a ri, “Naa izwi zwithu zwi ðo vha hani?” Ene . . . A ralo.

⁷⁵ Muruñwa a ri, “Muya Mukhethwa u ðo vha murunzi wau.”

⁷⁶ Zwo vha zwi sa athu itwa kha zwikhathi zweþhe, fhedzi Maria o tenda Mudzimu. Huno a ri, “Vhonani mulanda wa Murena.” O tenda Ipfi.

Naa u khou yo vha hani nae? O zwi divha zwauri Hagara o vha na lushie nga lutamo lwa vhudzekani, na Abrahamu; huno Sarah o vha na lushie nga nga lutamo lwa vhudzekani, na Abrahamu, vhana vha pfulufhedziso; musadzi o vhoxwaho na musadzi o vhofholowaho. Fhedzi hafha u khou humbelwa u tenda. Itsho ndi tshibviswa tshi yaho kha lutendo lwe lwa vha lu kha Abrahamu, we a tenda zwi sa konadzei, “Tenda Mudzimu o amba uri zwe ralo, izwo zwi zwi ita uri zwi vhe zwone.”

⁷⁷ O tenda Mudzimu, na kathihi ho ngo vhudzisesa. O ri, “Vhona mulanda wa Murena. A hu londwi uri ndi tea u hwala tsatsaladzo nngafhani i bvaho kha shango, kha zwi vhe kha nn̄e u ya nga Ipfi Łau.” Henefho hu da Mbeu vhukumakuma.

⁷⁸ Sarah ho ngo kona u zwi ita, ngauri ho vha hu vhudzekani. Izwo ndi zwone. Huno Sarah na ene ho ngo kona, ngauri ho vha hu vhudzekani.

Tshivhidzo na tshone a tshi koni, tshi kha vhukheluwi! Zwi ḥoda lutendo lwo kunaho kha Ipfi la Mudzimu u ita pfulufhedziso, u bveledza vhana. Vhukheluwi vhu nga si bveledze Tshivhidzo tsho bebwaho hafhu na kathihi. Vhu nga

si kone u zwi ita. Vhu do bveledza tshiñwe tshithu tsho imelaho tshiñwe tshithu. Vhu ḍo bveledza tshiñwe, tshiñwe tshithu tshi no Vhu edzisela, tshi no lingedza u fana Natsho.

Fhedzi Tshivhidzo vhukumakuma, tsho bebwaho hafhu tshi tenda Ipfi ṥa Mudzimu tshi sa ofhi na tshithu, hu sa londwi uri ndi tshini, ngauri a ḥo ngo vangwa. Ndi nga pfulufhedziso ya Mudzimu hune izwi zwithu zwa ḫa.

⁷⁹ Maria, wa vhukuma, o amba, nga...-si na vhudzekani, a ri, "Kha zwi vhe nga u ralo kha nn̄e u ya nga Ipfi Lau. Vhona mulanda Wau!"

Huno o bveledza. Naa o bveledzani? Hu si munna wa vhuhali; hu si lushaka. Fhedzi o bveledza Ipfi, Mudzimu Ene muñe o vhonadzwaho ḥamani; amene, Mbeu vhukuma ya Mudzimu yo vhonadzaho pfulufhedziso iñwe na iñwe ye Mudzimu a ita Bivhilini; nga nn̄da ha Ene, a hu na muthu ane a nga tshila nga nn̄da ha Ene.

⁸⁰ O vha e mbeu ya vhukuma, o vha e nga phanda ha ta-... o vha e ganda ḥe la bveledza Thoro. Zwino, vhañwe vhavhili vho vha vhe vhahwali vha Vhutshilo, sa mbeu ya mupo fhedzi. Maria... Zwino, elelwani, ndo ri avho vhañwe vhavhili... Zwino, Maria, ni songo mu ita Mudzimu, sa vhañwe vhathu vha tshi lingedza u mu ita ene. O vha e si mudzimu. Hai, muñe wanga. O vha a tshi tou vha muhwali wa Mbeu fhedzi, vhunga zwe vhañwe vhavho vha vha vhe zwone; fhedzi, vhunga lutendo kha Ipfi, zwi ḫisa zwe engedzeaho kha tshifanyiso vhukuma.

⁸¹ Vhunga thoro ya livhele i tshi vibva, kana goroi. I bvelela, i luṭanga; ya mbo bvelela, i muvula; ya mbo bvelela, i ganda. Fhedzi musi ni tshi elekanya, heļo ganda, arali ni sa sedzesi, li ḫo vhonala li tshi tou vha kokotolo vhunga goroi vhukuma. Fhedzi musi li tshi vulwa, goroi vhukuma i nga ngomu. Li tou vha tshihwali, hafhu.

⁸² Ngauralo, ni a vhona, Maria, hu si nga vhudzekani lini, fhedzi nga lutendo; tshiñwe tshithu tshi no fana Nayoko kokotolo. Maria o vha e si iyo Mbeu. Maria o vha e muhwali wa Mbeu.

Ene o vha e Mbeu vhukumakuma, ya lutendo, ngauri Ipfi ṥa Mudzimu ndi nga lutendo zwe A lu nea Abrahamu. Huno ndi lutendo fhedzi lune lu nga kona u bveledza zwe Mudzimu a ri U ḫo ita; lutendo kha Ipfi Lau.

⁸³ Dzhielani nzhele uri Maria o vha a tshi nga Tshithu vhukuma, lwo engedzeaho hani, fhedzi a tshi fana na ganda. Ganda li kuvhatedza mbeu ngomu ha lone line huno ḫa i tsireledza, nahone ḫa i alusa u swika i tshi ima i yoṭhe, yo vibva. Ngauralo na itsi tshikhathi tsha vhurarū tsha tshivhidzo (tsha Pentekoste) tsho vibva, tsho fara iyi Thoro u swika hu tshi vha tshifhinga tsha u vula ganda. Maria, e mme a Kristo, a tshi tou vha tshialameli.

Ene o vha a si malofha a Maria; Ene o vha a si malofha a Muyuda; Ene o vha a si malofha a Wann̄da. Ene o vha e Malofha a Mudzimu. Mudzimu o sika haya Malofha. A ho ngo vha vhudzekani. Ene o vha a si Muyuda kana Wan̄nda.

⁸⁴ Lushie a lu kupīda kuthihi kwa malofha a mme. Malofha a bva kha khotsi. Ri a zwi ̄ivha zwauri hemoglobini i kha wa munna.

Vhunga khuhu, i nga vhetshela gumba, phambo i nga kona; fhedzi arali i songo vha na tshīoni tsha tshiduna, mukukulume, na kathihi lī nga si thothonye. A yo ngo gombiwa, naho lī tshī vhonala kokotolo vhunga gumba vhukuma lō gombiwaho. Mupo mūnwe na mūnwe wālo u vhonala u tshī fana, fhedzi a lī na vhutshilo ngomu halō.

⁸⁵ Iyo ndi ndila ine vhatu vhane vha bula Kristo vha vha ngayo. Vhanz̄hi vhavho vha vhonala sa Vhakriste, vha lingedza u ̄ifara sa Vhakriste; fhedzi ni tea u vha na Kristo ngomu han̄u, ane a vha Ipfi lō vhonadzwaho, kana na kathihi a nga si aluwe a vha Mukriste vhukuma a no tenda Bivhili. Tshifhinga tshōthe i dō tshīnwe tshithu tsha dinomineisheni. Tshī nga si kone u tshila, ngauri a hu na Vhutshilo ngomu hatsho, uri tshī tshire.

Gumba lī nga si thothonye, lī sinela heneffo tshītahani, arali i songo vha na—na tshīoni tsha tshiduna.

⁸⁶ Zwi tou fana na mirado ya tshihidzo. Ni nga vha fara sa lushie nahone na vha vhidza, na vha ita madikoni na tshīnwe na tshīnwe-vho, fhedzi vha do...ni na tshītaha tshō qalaho makumba o sinaho nn̄dani ha musi o gombana na Thama. Izwo ndi zwone.

⁸⁷ Tshihwali, ganda, lō i alusa. Izwo ndi zwone. Zwenezwo yone, ndi uri, mbeu yone ine, i tea u tutshela ganda, kana ganda lī tea u tutshela mbeu, u itâ uri mbeu i vhe vhuhoneni ha ̄uvha, u itela uri i vhibve. Zwōthe zwi kha tshifanyiso, ni a vhona.

⁸⁸ Vhonani hafha zwino uri tshone, tshihidzo tsha haya mađuvha a u fhedzisela, tshī vha tshine tsha vhonala tshī tshī nga Mbeu Yone ine. Vhonani uri iyi dinomineisheni ya Pentekoste yo thomiwaho mađuvhani a u fhedzisela, nahone ri do zwi ̄talutsheda ngavhuyanyana, ni a vhona, uri vha da hani tsini nga maandâ na u vhonala vho tou kokotolo vhunga Mbeu.

Musi ganda lī tshī bvelela lī tshī ngomu ha thoro ya goroi... kana mbemba ya goroi, nga murahu ha musi muvula wo no wela ngomu heneffo kha tshiimo tsha vhuhili, huno wa bveledza tshiimo tsha vhuraru tshine tsha vha ga—ga—ganda. Huno na uri zwo da hani uri... Arali ni si muvhoni vhukuma, na kathihi ni nga sī kone u amba uri iyo ndi thoro vhukuma ya goroi ngomu heneffo. Musi iyo thoro thukhu ya u thoma i tshī bvelela, i tshī nga thoro, fhedzi na dzula huno na i vula ni do wanulula uri heneffo a hu na thoro na luthihi. Ndi ganda fhedzi, tshihwali

tsha thoro. Zwino, thoro i bva khało. Fhedzi elelwani, a hu tshe na tshithu nga murahu ha ganda.

Elelwani, ho vha hu si tshe na Mbeu yo fulufhedziswaho nga kha musadzi, huńwe fhethu-vho, nga murahu ha Maria. Nahone a hu tshe na dinomineisheni dzo fulufhedziswaho nga murahu ha Pentekoste. Ndi U Takulelwa Tađulu na Muselwa zwi bvelelaho zwi tshi bva heneffo, Mbeu, Ipfi lo vhonadzwaho hafhu.

⁸⁹ Dzhielani nzhele, vhonani uri i vhonala i tshi ḥodou fana hani. Mateo o amba, Mateo Mukhethwa 24:24, yo amba, zwauri, “Mimuya mivhili maduvhani a u fhedzisela,” maya wa tshivhidzo wa vhatthu vha tshivhidzo, na Muya wa Muselwa wa vhatthu vha re Muselwa, “i do vha tsini na tsini u swika i tshi fhura Vhanangwa vhenevhō arali zwo vha zwi tshi konadzea.” Iyo ndi ndila ine ya vha tsini.

⁹⁰ Vhonani uri yo da hani nga tshikonyi. Zwino dzhielani nzhele, ri khou yo fanyisa tshińwe tshithu hafha.

Luther, kha tshikhathi tsha tshivhidzo, tsha u bveledza Mbeu ya Muselwa, o vha e a fanaho Muyani. Thoro ḥukhu nthihi fhedzi ya Mbeu, ye Luther a imela nn̄da ngayo, yo vha i u itwa o lugaho nga lutendo. O vha a tshi tou vha tshifanyiso tshenetsho tsha Hagara, tshikonyi.

Dzhielani nzhele, Wesley o vha e tshifanyiso tsha Sarah, Mufiladelfia, tshikhathi tsha lufuno tshe tsha bveledza malelevudzi. Zwauri kha tshikhathi tsha Wesley, ho vha hu na vhafunziruńwa vho engedzeaho u fhira kha tshińwe tshikhathi tsha ra vha natsho, tshikhathi tshihulwane tsha vhurumiwa tsha tshifhinga tsha John Wesley.

⁹¹ Fhedzi Pentekoste yo imela Maria. Maria, tshiimo tsha u fhedza Tshayo, zwino, o vha e si Mbeu. Naho zwo ralo, Vhutshilo ha Mbeu ho vha vhu khae, fhedzi Yo vha i sa athu vhibva. Ndi pfa ndi a vhurereli nga maanda. Vhanzhi vha na mbeu, fhedzi, ni a vhon, A i athu vhibva lini. Yo vha i hone, fhedzi Yo vha i songo vhibva.

Zwo ralo na kha tshikhathi tshashu tsha Pentekostala tshine ra khou tshila khatsho! Hu tea u da i—Ipfi la Mudzimu līne la vha la nga ngomu, līne li sa vhe la dinomineisheni, nn̄da hā mivhuso ya iyo dinomineisheni.

⁹² Luther o ya u funza nga ipfi lawe la u thoma, “O lugaho u do tshila nga lutendo.” Wesley o vha e na maipfi mavhili, “u khethefhadza,” mushumo u vhonalahi wa vhuvhili wa tshilidzi. Pentekoste yo vha i na ipfi la vhuraru, “mbuyedzedzo ya mikovhe.” Fhedzi Mbeu yothe i tea u da! Ni a vhon, vho dinomineitha hani kha ipfi līthihi, na līnwe ipfi, na līnwe ipfi?

Fhedzi hu tea u vha na Tshińwe tshithu tshine tshi sa nga kone u dinomineithiwa; ndi Vhutshilo hothe vhu re ngomu heneffo, vhune ha tea u Dibveledza hafhu kha Muselwa. Zwi nga

si konee u vha na zwiñwe zwikhathi zwa tshivhidzo nga murahu ha hetshi. Ri vhufheloni, vhakomana na dzikaladzi. Ri hafha. Ro swika. Ndivhuwo kha Mudzimu! Amene. Zwino, ri a vhona uri izwi zwithu zwi tou vha ngoho sa zwine zwi nga vha zwone.

⁹³ Ri kha di dzhiela nzhele, zwenezwo, arali ene e tsinde, kana . . . Wesley e tsinde; zwenezwo Pentekoste i ganda, tshine tsha vha tshimo tshi tevhelaho tsha u ña ha Thoro. Fhedzi, mukomana, khaladzi, luñanga a si Thoro, na tsinde a si Thoro, na ganda a si Thoro; naho, misi yoþhe i tshi vhibva, i tshi vhonala lwo engedzeaho sa Thoro.

⁹⁴ Tshikonyi a tshi ngi thoro. Zwenezwo hu ña mini? Tsinde, khufhi þukhu; zwiñhulu a nga thoro u fhira—u fhira mbemba. Naa hu tevhelani? Ganda; li fara thoro, li alusa thoro.

⁹⁵ Zwino sedzani hafha murahu kha pfulufheziso ye Mudzimu a i ita kha Abrahamu, ya “Mbeu yau,” a tshi amba nga lwa maya. Hezwo muñwe na muñwe washu u a zwi ñivha. O vha a tshi khou amba Kristo, hu si Isaka; nga Mbeu yawe ya lutendo.

⁹⁶ Dzhielani nzhele, ya u thoma yo vha hone nga musadzi a re phuli, a yo ngo tou nga tshinwe tshithu vhunga pfulufhedziso. Mudzimu ha tei u humisa Ipfi Lawe a tshi itela muthu. Mudzimu o amba uri i do ña hani, huno iyo ndi ndila ine ya ño ña ngayo. Fhedzi, Sarah, e muimeli wa tshivhidzo, tshifanyiso tsha tshivhidzo, tsho (ene) wanulula heneffo nda, uri o ri, “Ndi zwone, ndi tenda uri hetshi tshi a mangadza lwo kalulaho zwiñuku. Ndi nga si tou kona u vhuya nda zwi tenda, ngauralo vhone kha vha ye vha wane Hagara huno vha mu dzhie a vhe mufumakadzi.” Ni a vhona, heneffo, itshe tshikonyi a tsho ngo nga pfulufhedziso, na luthihi.

Fhedzi musi Sarah a tshi ña, zwino, hezwo zwo vhonala zwi zwavhuði nga maanda. I vhonala nga maanda i tshi nga pfulufhedziso hangei, fhedzi yo vha i tshi kha di vha uri a si pfulufhedziso ya vhukumakuma. Ngauri, Israele, kha Isaka, o kundelwa nahone a hana Mbeu ya vhukumakuma musi I tshi ña. Haleluya! (Ni songo nyanyulea; ni songo shavha. Iyo i nga si ni vhaise.) Vho hana Mbeu, vha Mu vhamba, huno vha Mu nembeledza kha tshifhambano!

⁹⁷ U tou fana na Paulo o amba hafha, “Naa mbe—mbeu ya—ya musadzi o vhofholowaho . . . kana musadzi a re phuli a yo ngo tovhola Mbeu ya musadzi o vhofholowaho?”

Huno na mbeu ya dinomineisheni i tovhola Thoro vhukumakuma. Tshifhinga tshoþhe zwi tea u vha nga ndila heyo. A dzi nga vhi maifa dzoþhe. A dzi konani. Dzi tou vha pfulufhedziso mbili dzo fhambanaho tshoþhe-tshoþhe, zwifhinga zwivhili zwo fhambanaho, vhatu vhavhili vho fhambanaho, tshoþhe. Muñwe ndi Muselwa, huno muñwe ndi tshivhidzo. A hu na mbambedzo, na luthihi, navho.

⁹⁸ Fhedzi vha kha di vha hu uri a vha Mbeu yo fulufhedziswaho ur i do da. Na Sarah na ene o vha e si yone, o vha e si yone... Na Hagara o vha e si yone, na Sarah o vha e si yone, kana—kana na ene Maria o vha e si yone, Mbeu.

Maria o vha a si Mbeu. O vha e muhwali wa Mbeu, fhedzi o alusa, o bveledza tshi bvaho kha mbumbelo yawe. U tou fana na ganda, yo bveledza Mbeu vhukuma i bvaho kha mbumbelo yayo, fhedzi ganda a si Mbeu. Fhedzi li... Li tsini na Mbeu. Ło kuvhatedza u mona na Mbeu.

Murahu henengei kha tshikonyi, vhutshilo ho balanganywa hothe kha tshikonyi. Huno musi zwi tshi da kha muvula, tsho kuvhangana fhasi tsini. Fhedzi musi zwi tshi da kha ganda, li heneffo vhunga mbeu, huno zwivhumbeo zwi fana kałukułuku na mbeu.

Yesu o ri vhudza o ri vhudza zwine zwa do vha hone nga duvha la u fhedzisela, "I do vha tsini na tsini lune ya do fhura Vhanangiwa vhenevho arali zwi tshi konadzea," fhedzi zwenezwo Mbeu i bva heneffo. Huno ganda, Vhutshilo vhu Łutshela ganda. Huno ganda ndi tshihwali, huno itsho tshi tou vha kokotolo zwe dinomineisheni yashu ya vha i zwone, tshihwali; Luther, Wesley, Vhapentekostała. Huno zwino ndi tshifhinga tsha Mbeu uri i mele. Dzhielani nzhele, dzhielani nzhele, hu tou...

⁹⁹ O vha e si Mbeu. Maria o vha e si yone. Hu tshi tou vha ganda, tsinde, na tshikonyi, zwiwhali zwa tshipida tsha Ipfi, hu si Ipfi lothe! Luther o vha e na u itwa o lugaho; Wesley o vha e na khethefhadzo; Vhapentekostała who vha vhe na mbuyedzedzo ya mikovhe. Fhedzi musi Ipfi li tshi da...

Zwino, hezwo a vho ngo kona u zwi bveledza, zwauri, u itwa o lugaho hu do tshidza muthu. Ni a zwi tenda izwo? Ngoho, ho vha hu tshihwali tsha Ipfi, zwi tou fana na musi ndi tshi tenda uri tshikonyi ndi tshipida tsha goroi. Ngoho, ndi tshone, fhedzi ndi tshihwali. A si Vhutshilo.

Zwenezwo hu da u khethefhadzwa. Ndi vhangana vha no tenda kha u khethefhadzwa? Inwi ni tenda Bivhili, ni tea u ralo. Ngoho. Ngauralo hezwo zwi kha di vha zwi si zwone; zwi tou fana zwitku; ayo ndi maipfi o engedzeaho mavhili.

Fhedzi zwenezwo hu da Pentekoste, mbuyedzedzo ya mikovhe. U amba nga dzindimi, vha hu vhidza vhutanzi ha u ranga ha Muya Mukhethwa. U amba nga dzindimi, hangei, uho vha hu vhidza vhutanzi ha u ranga, he ha bveledza (mini?) ganda, fhedzi who dinomineitha.

Fhedzi musi ni tshi da u ri, "Nñe na Khotsi Anga ri Muthihi," na hezwi zwiñe zwitħu, zwenezwo ganda li a kwatuwa Khayo. Fhedzi Tshividzho tsha Muselwa tsha vhukuma, tsha vhukumakuma tshi do bveledza Ipfi la Mudzimu lothe, nga

vhuḍalo Halo nahone na nga nungo Dzalo, ngauri Ha shanduki mulovha, ḥamusi, na lini na lini.

Dzhielani nzhele, mbumbeloni dza Maria ho vha hu na Mbeu.

¹⁰⁰ Fhedzi musi Mbeu yo no phuluswa, Yo ri, “Ndi da u ita lufuno lwa Uyo o Nthumaho. Nne na Khotsi Anga ri Muthihi. Arali Ndi sa iti mishumo Yawe, ni songo Ntenda.” Mbeu yo vha i heneffo. “Naa ndi nnyi wanu ane a nga Mmbea mulandu wa u sa tenda? Tshe Bivhili ya fułufhedzisa uri Ndi do ita, Ndo tshi ita. Mudzimu o khwathisedza hezwo nga Nne,” A ralo. “Naa ndi nnyi ane a nga Mmbudza zwino?” Ni a vhona?

Fhedzi, mbe—Mbeu kha Maria, ganda, lo vha li tsini na u vha Yone, fhedzi lo vha li si yone. Yo vha i tshi kha di vha mbumbeloni.

¹⁰¹ Dzhielani nzhele, nahone kha tshikhathi tsha Pentekoste. Kha tshikhathi tsha Luther, kha tshikhathi tsha Wesley, zwo vha zwenezwo zwithihi kha itsi tshikhathi tsha Pentekoste.

Zwino dzhielani nzhele. Fhedzi kha u pfunululwa ha Mapfundo a Sumbe, Dzinzungululo 10, Ipfi lo dalaho li khou do vhonadzwa hafhu, nahone la khwathisedzwa nga Muya wa Mudzimu, nga nungo dzo dalaho sa zwe La vha li zwone musi O vha e hafha kha lifhasi; li tshi vhonadzwa nga ndila i fanaho, li tshi ita zwithu zwenezwo zwithihi zwe La ita musi Lo vha li hafha kha lifhasi. Amene! Vhaheberu 13:8, yo ri, “Yesu Kristo ha shanduki mulovha, ḥamusi, na lini na lini.”

Kha Luka Mukhethwa 17:30, Yesu o ri, “Mađuvhani a u fhedzisela, sa zwe zwa vha zwi zwone mađuvhani a Sodoma, musi Murwa-muthu a tshi do vha a tshi khou Didzungulula hafhu, zwi do vha zwenezwo zwithihi.”

¹⁰² Shango li kha nyimele ya Sodoma. Huno tshivhidzo tsho dzhena Sodoma, naļo, vhunga Loto na mufumakadzi wawe.

Huno ndi amba zwauri hu na Tshivhidzo tsho Nangiwaho huňwe fhethu shangoni ili, tshine tsha khou bvela nn̄da nahone tsha vhetshelwa thungo ha izwo zwithu, huno u vhonadzwa ha Mudzimu ho kunga ngelekanyo Yatsho. Ri kha mađuvha a u fhedzisela.

¹⁰³ Ganda lo nekedza Nungo dzaļo ngomu ha Mbeu. Lo kwatuwa; lo vha li ganda lāvhudi, fhedzi lo shumela tshifhinga tshaļo. Ni a vhona, ndi Ipfi Muselwa wa Ipfi Muhwe!

¹⁰⁴ Mbeu ya mupo ya Abrahamu, ya Isaka, na Yakobo, na... Kana, mbeu ya mupo, kha ndi ri, ya Ishmaele, mbeu ya mupo ya Isaka, na vhaňwe-vho, dzo do tea u dzhena mavuni, u itela u—u bvisela heyi inwe nn̄da, u bvisela Yesu nn̄da.

Huno nga u ralo na hedzi dziňwe dzoťhe, mbeu dzi tea u oma...ndi amba uri, makanda a tea u oma, na muvula u tea u oma, na tshiňwe na tshiňwe tshi a fa, u itela uri Mbeu i kone

u Dibveledza. Iyo ndi ndila ye zwa vha ngayo kha tshikhathi tshiñwe na tshiñwe.

¹⁰⁵ Dinomineisheni dzo vha zwihwali Zwayo, tshipida tshine tsha vha Ipfi, ngauri lo vha lo dzumbelwa vhashandululi vho talifhaho, kana...zwo shatelwaho kule navho, u swika tshikhathi tsha Magoni tshi tshi bvelela. Bivhili yo ralo. Ee, muñe wanga. Ngauri, ri fulufhedziswa hezwo kha Maleaxi 4. Kokotolo, ri ralo.

“O Łi dzumbela maṭo a vhaṭali na vho thanyaho.”

¹⁰⁶ Vhunga ri tshi kha di bvou fhedza Bugu ya Dzinzungbululo, ri wanulula uri muñwe na muñwe, vhuraru hothe ha avho vhađinda vha ayo mavhanda e a bvelela; linwe na linwe lo tea Luther nga ndila yone, linwe na linwe lo dzula na linwe nga ndila yone, line la vha phulu na phukha dzo fhambanaho dza Bivhili; dzo ya kha u ita o lugaho, u khethefhadza, na ngomu ha Vhapentekostała. Fhedzi la vhuña lo vha li goni, izwo ndi zwone, huno nga kha itsho tshikhathi Mudzimu o Łi vusa. Ngauralo lo da nga kha itsho tshikhathi u vha lo lulamaho, ee, muñe wanga, pfulufhedziso ya goni i tshi khunyelela ya—ya Maleaxi 4.

¹⁰⁷ Yesu o vha a si wa Maria, fhedzi o da nga Maria, vhunga Vhutshilo nga ganda.

¹⁰⁸ Zwino, vhunzhi hanu inwi vhakomana vhavhudzi vha Katolika hafha, kana dzikhaladzi, madekwana a ńamusi, khamusi ni elekanya uri Maria o vha e “mme a Mudzimu,” vhunga ni tshi ri o vha e ene. Naa o vha a tshi nga vha hani mme a Mudzimu, huno Mudzimu a si na mathomo nahone a si na vhufhelo? Ni a vhona? Naa Khotsi a Mudzimu o vha e nnyi, zwenezwo, arali o vha e mme? Ni a vhona?

O vha e Musiki wawe, huno ene o vha a si musiki Wawe. O sika, Ene muñe, mbumbeloni ya Maria, hu si tsiko yaye ene mune. Ho vha hu Ene, we a sika, Ene muñe. O vha a si wawe, fhedzi ene o vha e Wawe. Izwo ndi zwone. Bivhili i a ri funza, zwauri, “Zwithu zweithe zwo itwa nga Ene,” ni a vhona, “huno a hu na tshi songo itwaho nga nn̄da ha tshe tsha itwa nga Ene.” Ngauralo O vha a tshi nga kona hani... Naa O vha a tshi do vha hani na mme, ngeno O vha e Mudzimu Ene muñe?

¹⁰⁹ Zwino hafha ri vhona nzumbululo ya ngoho ya tshifanyiso tsha ngoho. Hu na vhahwali vha vhasadzi vhararu vha mbeu ya mupo, u swika vha tshi vha vho aluwaho kha Yesu. Ndila ye Ishmaele a sa kone u vha ene, ngauri o vha o bebwa, vhukuma, kha zwine ńamusi ra vha ri tshi do elekanya uri, nga nn̄da ha mbingano, ngauri o vha e murwa wa musadzi a re phuli. Zwenezwo ha da a no fana zwiłukunyana Nae, vhunga Yesu, a bvaho kha Isaka; fhedzi o vha a si ene, ngauri o vha o bebwa nga vhudzekani vhukati ha Sarah na Abrahama. Fhedzi zwenezwo ha da Maria, nga mbebo ya musidzana o kunaho, a bveledza Yesu Kristo. Izwo ndi zwone. Mudzimu, Ipfi, o itwaho ńama.

¹¹⁰ Zwino sedzani. Ho vha hu na vhasadzi vhararu. Hu na vhasadzi vhararu vho fanyiswaho hafha, zwivhidzo. Tshifhinga tshothe vhasadzi vha fanyisa zwivhidzo. Zwi amba, zwikhathi zwiraru zwa dinomineisheni, zwiwhali, zwine na zwone zwa fanela u fa nahone zwa oma, u tou fana na ganda na zwiñwe zwi tshi ita, u ɳea Mbeu lufhera. Mbeu i nga si kone u vha yone, i nga si kone u vhibva, kha ndi ri, u swika ganda, luṭanga, na maṭari, zwi tshi oma zweþe. Izwo ndi zwone. I tswonzwela tshipiða tshiñwe na tshiñwe tsha Vhutshilo, khavho, nn̄da; amene; zweþe zwe ya vha i zwone, ndi hezwo, na zwiñwe.

¹¹¹ A nga si kone u zwi ita! Zwino ndi tshifhinga tsha Mbeu, kana tshifhinga tsha Muselwa. Makanda o fa. Makanda o oma. Tshifhinga tsha Ipfi lo kunaho, li songo kwamiwaho. Ndi musidzana o kunaho, elelwani, tshifhinga tsha Ipfi lo kunaho. Arali no vha ni tshi do Li vhea zwandani zwa dinomineisheni, ngoho Lo vha li si nga vhi musidzana o kunaho; Li do vha lo farwafarwaho nga muthu, tshifhinga ni tshi ya Khalo. Fhedzi Tshivhidzo tsha Mudzimu a tsho ngo kwamiwa nga dinomineisheni. Haleluya! Ndi tshone Ipfi la Mudzimu lo bebwaho nga musidzana o kunaho li no vhonadzwa, Yesu Kristo a sa shanduki mulovha, namusi, na lini na lini. Haleluya! Hani, zwi mangadza hani! Ndi a Li funa. Ndi a Li tenda. Ndi a divha zwauri Ndi Ngoho. Li nga si kwamiwe. Hu nga si vhe na u farwafarwa nga muthu wa dinomineisheni kha Mbebo ya musidzana o kunaho ya Muselwa. Hai, muñe wanga! U—u laiwa nga Mudzimu uri a bve kha zwo raloho. “Ni songo kwama zwithu zwavho zwo tshikafhalaho, ivhani maanga.”

¹¹² Zwi tou nnkhumbudza. Musi ndi tshi khou bva Phoenix nga liñwe duvha, ndi tshi da Tucson, ndi tshi bva muṭanganoni, Muya wa Mudzimu wo isa ngelekanyo yanga kha tshiñwe tshithu; musi nne na mufumakadzi ro vha ri tshi khou tshimbila, ri tshi khou amba, nahone vhana vho edela murahu ha goloi, tshifhinga tshi tshi khou ṫuwa. A isa tshenzhemo yanga kha lurwanzhivha, huno nda sedza ulwo lurwanzhivha zwiṭukunyana nahone nda lu guda. Lu tou vha tshone tshifanyiso tsha tshivhidzo namusi.

¹¹³ Zwino, lurwanzhivha, vhunga roþe ri tshi zwi ðivha, lwo xedza nðivhadzo ya tsiko ya yalwo ya mathomo. Izwo ndi zwone kokotolo. Tshiñwe tshifhinga lwo vha lu tshi fana na goni, mukomana walwo muhulwane; lurwanzhivha lwo vha lwo tou ralo. Fhedzi zwino a lu tsha fhufha lutomboni, u zwima mana alwo a ṫadulu, fhedzi lwo no khuthala. A lu tsha fhufha lutomboni. Lu thamuwa mavuni, vhunga lianga; lu dzula palani ya lutingo; lwa thamuwa, lu tshi khou zwima miyhuða yo faho. Lurwanzhivha a lwo ngo itelwa u ita hezwo. Hai, lwo itwa uri lu fane na goni.

Zwino, hezwo zwi tou nga tshivhidzo. Tsho itwa u fana na goni. Tshi tea u dzhia fhethu ngei ṫadulu. Fhedzi, vhudzuloni ha hezwo, tsho no khuthala. A tshi tsha fhufha hu sa ðivhei,

lutomboni. Hai, muṇe wanga. Tshi ditika nga ndila dzatsho dza musalauno, dza u riwanakiswa, dza pfunzo, na ḋivhavhurereli, kha inwe dinomineisheni yo itwaho nga muthu; tshi tshi khou ṭoda sambi la mivhuḍa yo faho, yo sinaho lwo hafuleaho, ye tshiñwe tshithu-vho tsha vha tshi naļo. Izwo ndi zwone. Lu tshi khou thamuwa mavuni zwino, ni a vhona, izwo ndi zwone, lurwanzhivha. Ni a vhona, izwo ndi zwine zwa amba.

Goni a lo ngo shanduka na zwiṭukuṭuku. Li dzula li goni.

¹¹⁴ A lu fhufhi n̄ha lutomboni, lurwanzhivha a lu iti, a lu tsha ita, u gavha manna alwo maswa ngei n̄ha, fhedzi lu ditika nga tshire lu nga tshi wana tsho no di fa. Lurwanzhivha a lu koni... ri ri lu tea u kavha mavuni. Fhedzi sedzani lurwanzhivha lulala ḥamusi. Tselani phasi nga ndila, ni do vhona thale dza luṭingo dzo atha dzo ḫala vhurwanzhivha, lwa vhona arali lu tshi nga wana tshinwe tshithu—tshiñwe tshithu tsho vhulawaho, tshiñwe tshithu tsho sinaho. Lu tea u ralo a lu na phapha dzo eđanaho u fhufha. Lu... Tsha u thoma ni a ḋivha, lu do vha mavuni, tshoṭhe-tshoṭhe, lu mavuni ngauri lwo no khuthala. A lu tsha shumisa, nungo dzalo, dze Mudzimu a lu ḥea.

¹¹⁵ Ndivhadzo yalwo ya sipeshala yo vha i u tala lutomboni huno lwa sedza phasi u bva phasi, fhedzi zwino lu tsela phasi nahone a lu vhuyi lwa kona u sedza n̄ha. Lwo vhea ḥhalukanyo yalwo kha mivhuḍa yo faho, u wanulula zwine lu nga wana kha ndila; inwe tsimba, mbevha, kana tshinwe tshithu tshe muñwe a tshi tshaisa. A si lwone goni, fhedzi lu tou vha tshiñwe tshithu tshi no fana nalwo.

Vhunga u tou fana na tshivhidzo kha zwiliwa zwatsho tsho ditika nga pfunzo na zwiñwe-vho, nndyo yo faho ye ya fa miñwahani yo fhiraho, nga kha Luther, na Wesley, na Vhapentekostala, nahone vho no ḥuwa, lwo la. Lu khou sedza murahu kha ndaela yo itwaho nga muthu; vhudzuloni ha u fhufha n̄ha Ṭaduluni la Ipfi, hune, “Zwithu zweṭhe zwi a konadzea kha avho vha no tenda.”

¹¹⁶ Lwo dzhia ndowelo dza liṇoni. Izwo zwithu zwe faho zwe sielwa maanga, shango. Dzipfunzo na zwiñwe zwe raloho, zwe sielwa shango, zwi si zwa Tshivhidzo. Lwo no khuthalesa lune a lu... A lu tshe na vhuhalu. Lu nga si fhufhele Ṭaduluni lo halifhaho, hune, “Zwithu zweṭhe zwi a konadzea kha avho vha no tenda.”

Lu dzula murahu, huno lwa ri, “Zwo luga, Dokotela Mukeneñene o amba tshiñwe... Dinomineisheni yanga a i Li tendi nga ndila heyo.” Oo, iwe lurwanzhivha lwo shandeaho, u ofha u vundetshela kha pfulufhedziso dza Mudzimu!

Inwi ni ri, “Ndi zwone, mađuvha a mađembe o fhira.”

¹¹⁷ No khuthala. Ni a tshuwa u dzhia phapha dzanu huno na fhufhela hangei. Huno no no khuthalesa kha muṭangano wa

thabelo? Naa no no ḍa fhethu hune na tshuwa u dzula miniti i no fhira ya fumi kha alitari?

¹¹⁸ Thamuwanı vhunga lianga, ni tshi khou la muvhili wo faho mavuni! Ee, mune wanga. Lwo khuthalesa kha u swika hune lwa vha na vhuhali, futhi lini. Lu thamuwa vhunga lianga, nahone lu la zwiliwa zwa lianga. Izwo ndi zwine lwa vha zwone. Izwo ndi zwone. U swika, lwo no thoma u vhonala sa lianga. Lu difara sa lianga. A lu tsha vha lurwanzhivha u fhira tshiñwe tshithu. Zwihulusa lu nga lianga u fhira u vha lurwanzhivha. Lurwanzhivha lu tea u alavha; hu si u dzula n̄tha ha pala ya lutingo huno lwa sedza muvhudu wo faho, huno zwenezwo lwa tsela heneffo fhasi nahone lwa ya n̄tha na fhasi ndilani vhunga lianga. Ni a vhona?

¹¹⁹ Izwo zwi tou nga ndila ye tshividzo tsha ita namusi. “Naa zwi farisani u ya ngei N̄tha huno nda alavha u mona hothe, ngeno ndi tshi nga wana mivhuda fhano?” Fhedzi yo fa. Yo sina. Yo tshikafala. Nga tshiñwe tshifhinga, yo vha i yavhuđi; na pfunzo ya Luther, Wesley, na Vhapentekostala yo vha yo ralo. Ndi ngani ni tshi la sa lianga? Ho vha na mana maswa o waho vhusiku vhuñwe na vhuñwe, a tshi bva ṭadulu, u itela vhana vha Israele musi vhe lwendon; tshiñwe na tshiñwe tsho salaho tsho vha tsho tshikafhala. Ro vha ri tshi anzela u amba, shangoni, “tshi na mabuluvhulu ngomu hatsho.” Hu na mabuluvhulu manzhisa kha tshenzhemu dzashu namusi, vhurereli hashu, vhu tshi ya na nga zwe muñwe muthu—vho amba, zwe muñwe muthu—vho a amba, na, “Pfulufhedziso ndi ya tshiñwe tshikhathi.”

¹²⁰ A si kale-kale muniwe munna oda kha nne, mureri wa Baphuthisi, ngei n̄tha nduni yanga, huno a ri, “Ni a divha,” ha pfi, “ndi—ndi khou tou ṭoda u ni khakhulula kha tshiñwe tshithu.”

Nda ri, “Mini?”

Ha pfi, “Ni khou lingedza u funza Pfunzo ya vhaapostola nga hangeno kha itshi tshikhathi.” Ha pfi, “Tshikhathi tsha vhaapostola tsho guma.”

¹²¹ Nda ri “Lini?” Ni a vhona? “Ndi ḍo ni vhudza uri tsho thoma lini, huno inwi ni mmbudze uri tsho guma lini.” Nda ri, “Naa ni a tenda Ipfi?”

A ri, “Ndi ralo.”

¹²² Nda ri, “Zwo luga. Zwino, nga Duvha la Pentekoste, naa ni a tenda zwauri izwo ndi musi tshikhathi tsha vhaapostola tshi tshi thoma?”

A ri, “Ndi ralo.”

¹²³ Nda ri, “Zwenezwo, muambi, Muapostola Petro, o amba haya maipfi.”

Huno elelwani, Yesu o ri, “Ane a ḍo tusa Ipfi lithihi kha Heyi, kana a engedza ipfi lithihi Khayo, mukovhe wawe u ḍo bviswa

Buguni ya Vhutshilo,” uyo ndi mureri kana muñwe muthu ane a vha na dzina lawe kha Bugu.

Nda ri, “Petro o ri, ‘Shandukani, muñwe na muñwe wanu, huno ni lovhedzwe nga Dzina la Yesu Kristo u itela khangwelo ya tshivhi, huno ni do ḥanganedza tshifhiwa tsha Muya Mukhethwa. Ngauri pfulufhedziso ndi yanu, na vhana vhanu, na avho vha re kule, na vhanzhi vhane Murena Mudzimu washu a do vha vhidza.’ Naa tsho bva lini? Tshifhinga tshoṭhe tsho vha tshi ngomu.”

Ndi sambi la vhurwanzhivha ho shandukaho ha vha mañoni, huno vhu khou thamuwa u mona hoṭhe kha mutumbu muñwe wo faho, we tshiñwe tshikhathi tsha u vhulahela hone. Ndi zwone. A si mana maswa a bvaho Maṭadulu, futhi lini. A vhu A todì. A vhu... Vhu nga si kone u vha na muṭangano wa thabelo. Tsha u thoma, a vhu magoni; ho khuthala, a vhu na vhuhali; vhu sokou thamuwa u mona hoṭhe.

¹²⁴ Na dinomineisheni yashu ya musalauno yo tou ralo, yo ditika nga pfunzo kha iñwe divhavhurereli yo itwaho nga muthu, u ḥalutshedza uri Zwithu hezwi zweṭhe a si zwa ndeme, huno vha a zwi ḥanganedza hezwo. A vha nga dzhhii Ipfi le la ri, “Yesu Kristo ha shanduki mulovha, ḥamusi, na lini na lini.” A vha nga dzhhii Maleaxi 4. Huno a nga si dzhie idzi dzinwe pfulufhedziso dzothe dzi re na vhushaka na ili duvha, nahone a amba uri tshikhāthi tsha tshivhidzo tshi hanī. Nga ndila ye muporofita a amba, “Hu do vha Tshedza tshifhingani tsha nga madekwana,” a vha li dzhhii Heli. Vha todou thamuwa u mona na tshe liñwe dzangano la Pentekoste la vhulaya, miñwaha ya dana yō fhiraho, vha tshi khou la mana o sinaho lwo hafuleaho. Izwo ndi zwone. A si zwavhuđi.

¹²⁵ Dzhielani nzhele, tshivhidzo tshi ḥamani nga maanda, tshi a dikanzwa nga ḥama yo tshinyalahyo ya shango, zwithu two faho zwa shango, u tou fana na zwine lianga la ita. Politiki dza Tshivhidzo, a dici tendeli Muya Mukhethwa u rumela munna kha tshivhidzo; vha tea u vha na politiki huno vha vhona arali dinomineisheni i tshi khou yo mu ḥanganedza kana hai. Izwo ndi zwone. Vha tou nga shango. Vha ambara vhunga shango. Vha vhonala vhunga shango. Vha ita vhunga shango. Ndi vhone maanga, vhunga shango. Vha a bvafha, vho khuthala, vhadziauleludza. Ndi zwenezwo fhedzi zwi re khavho.

Naa no no vhuaya na vhona goni li tshi shavha u ima na ngoho? Hai, muñe wanga. A hu na u sa ima na ngoho khaļo. Na Mukriste vhukumakuma ha na. Ho ngo khuthala. U do zwima u swika a tshi Li wana. Amene. Ee, muñe wanga. U do wana ḥama yawe. U todà Mana maswa. U do tsela henefho phasi huno a gwa u swika a tshi Li wana. U do fhufha n̄tha-n̄tha. Arali hu si na kha govha ili, u do ya n̄tha zwiṭuku. Ni tshi ya n̄tha, ni nga vhona lwo engedzeaho. Ngauralo ndi tshifhinga tsha magoni a lino

duvha u thoma u fhufha nt̄ha, u gwa ngomu ha pfulufhedziso dza Mudzimu, a sa tshile nga zwiliwa zwa lianga zwo vhulahwaho miñwaha yo fhiraho; ibvani khazwo.

¹²⁶ Politiki, u dzheniswa nga khetho na u bviswa nga khetho, hu tshi khou ambiwa *hetshi*, *hetsho*, kana *tshiñwe*, huno Muya Mukhethwa a u tshe na pfanelo ya u bvela phanda tshivhidzoni u fhira tshiñwe tshithu. A hu tshe na miñgano ya thabelo, a hu tshe na u lilela Mudzimu uri a khunyeledze Ipfi Lawe! A hu tshe na u tenda uri Ipfi li kha di vha li sa shanduki mulovha, namusi, na lini na lini! Vha tou dzula fhasi sa maanga, vho wana dinomineisheni, vha ñwala dzina lavho kha bugu; huno vha thoma u bvafha na u khuthala, nahone vha dzula ngei murahu vha tshi khou qiphiña nga luñwe lushaka lwa ñama yo faho. Huno, zwenezwo, nga zwit̄uku u khou tea u vha lurwanzhivha lune lwa vha mukomana a fanaho na goni, muporofita we a disa Ipfi la ngoho nahone a Li vhonadza.

¹²⁷ U ditika nga divhavhurereli yo sinaho lwo hafulwaho, yo itwaho nga muthu. Naa u i wanafhi? Kha tarì la iñwe mbekanyamushumo ya tshikolo tsha Swondaha yo itwaho nga muthu, muñwe mudededzi o mu vhulahela yone kale kha iñwe seminari, i tshi mu vhudza zwauri, “Mađuvha a madembe o fhira. Ho vha hu si na tshithu tsho raloho tshi no nga ndovhedzo ya Muya Mukhethwa. Itshi tshothe ndi vhutafuñafu.” Ni ḥodou mmbudza uri goni lo vha li tshi ḥo la itsho? A lo ngo kona u zwi ita. Hai, muñe wanga.

¹²⁸ Na Mukriste a nga si le idzo nama dzo faho dzi bvaho kha pfunzo dza dinomineisheni na zwithu. Vha ḥoda Ipfi la Mudzimu, liswa, pfulufhedziso ya awara. Mudzimu o fulufhedzisa mivhuða mađuvhani a Luther. O fulufhedzisa zwiñwe zwithu mađuvhani a vhañwe. Fhedzi zwino O ri fulufhedzisa Zwiliwa zwo edanaho, Menu wa khoso dza sumbe dzo dalaho, ngauri Mapfundo a Sumbe othe a a pfuñululwa, huno tshiñwe na tshiñwe tsho lugela Ipfi la Mudzimu, kha avho vhane vha nga ḥanganedza! . . . ? . . .

¹²⁹ Vhurwanzhivha vhu tshi khou thamuwa vhunga mañoni. Yawee, nñennen! Zwi elekanyeni, uri ndi ngani—ndi ngani awara, i ya ndeme. Ü tou fana na lurwanzhivha lwo no xedza thaluso yalwo sa lurwanzhivha kale, na tshivhidzo tsho xedza thaluso yalwo sa mukomana muñku (tshiqoni) wa goni, vhaporofita vha Mudzimu.

Nga tshiñwe tshifhinga tsho vha tshihwali tsha ipfi la ngoho, u itwa o lugaho; zwenezwo tsha vha tshihwali tsha u khethefhadza; zwenezwo tsha vha tshihwali tsha ndovhedzo ya Muya Mukhethwa, mbuyedzedzo ya mikovhe. Fhedzi musi A tshi ḥuwa nahone a dzulela u ya murahu, u lingedza u la tshiñwe tshithu, mana a bvaho kha liñwe duvha, o sina. A si avhudì.

Goni la vhukumakuma la ili duvha li a divha zwauri hezwo zwo vha zwo luga. Fhedzi ri na hezwo, na, u swika Yesu Kristo

a tshi vhonadzwa nga vhudalo ha maanda Awe, vhunga O fulufhedzisa u vha nga u ralo kha ili ḋuvha la u fhedzisela.

¹³⁰ Tshi ganda lo omaho zwino. Tsho fhira; Muya wa Mudzimu wo fhira nga khatsho, ndi ngoho. Huno a tshi nga, a tshi nga vhi mułaifa na Ipfi li re Mbeu lo khwaṭhisédzwaho. Nga ngoho tshi nga si vhe. Tshi nga si vhe kha U Takulelwa Ṭadulu. Tshi do vha murado wa tshivhidzo, tshi nga di bvelela kha mvuwo ya vhuvhili, tsha haṭulwa u ya nga zwe tsha pfa.

Arali ni fhano madekwanā a ḥamusi, huno ni tshi tou vha murado wa tshivhidzo, khatsho yanu i khou yo vha mini, musi riñe rothe ri tshi do tea u ima henefho huno ra ṭanziela zwauri no pfa Ngoho? Ni a vhona?

A tshi tsha fhufha lutomboni, kha hu sa dihwī, kha hu re n̄tha ha mupo, hune Maanda na vhuntha, na pfulufhedziso dza Ipfi la U Ya Nga Hu Sa Fheli la Mudzimu la itwa uri li kone, “zwiṭhu zweṭhe kha avho vha ṭendaho.” Tshi nga si Li tende, tsho ralo. Tshi wela henefho murahu kha lurale lwa luṭingo, huno tsha ri, “Dinomineisheni yanga i ri mivhuda yo luga.” Naho i na mbungu ngomu hayo, fhedzi, naho zwe ralo, “Yo luga,” ni a vhona. Tshi ḫitika nga zwenezwo.

¹³¹ Pentekoste i nga khaladzi yayo ya lianga la dinomineisheni, yo dzulaho zwino kha “zwidzulo zwa nyeletshedzo zwa vha sa ofhi Mudzimu” zwiḥulwane, zwa vhukuma, i tshi thetshesela vhahulwane vhayo vha shango, vha politiki vha tshi khou i kanzwa nga zwiliwa zwa lianga zwa mivhuda yo faho, zwa tshiñwe tshithu tsho fhiraho, miňwahani ya fuṭhanu yo fhiraho. Iyo ndi nyimele ya tshivhidzo tsha Pentekoste. Yawee, nnenne!

¹³² U tou nga Sarah o lingedza u disa pfulufhedziso i re nga n̄tha ha mupo nga—nga Hagara o fulwaho nga tshanda, na tshivhidzo tsho ralo, tshi tshi khou lingedza u disa mvuseledzo. Vhaevangeli vhashu vhahulwane kha mashango ḥamusi, “Mvuseledzo tshifhingani tshashu! Mvuseledzo tshifhingani tshashu! Inwi Vhamethodisi vhoṭhe, Vhabaphuthisi, Vhapentekosta-la, vhoṭhe vha kuvhangana fhethu huthihi.” Naa ni nga kona hanī u vha na mvuseledzo ya Mana maswa kha ya kale, yo faho, lianga . . . ? . . . Naa ni nga vha hanī nayo, mvuseledzo tshifhingani tshashu?

Mvuseledzo i do vha ḫukhu lune na kathihi a vha nga do divha uri yo vhuya ya bvelela.

¹³³ Vhapentekosta-la vho ri, “Oo, hu khou yo bvelela tshithu tshihulwane.”

Tshi khou bvelela, huno a vha tshi ḫivhi. Ni a vhona, ndi zwenezwo. Ni a vhona? Ee, muṇe wanga. “Ngauri hune Mutumbu wa vha hone, henefho maanga a do kuvhangana,” zwi tshi tou vha na ngoho sa shango li hone. Ni a vhona? Izwo ndi zwe La amba. Naa Mutumbu ndi mini? Ipfi. Ndi wone Ipfi, Mutumbu, Kristo! “Kristo kha inwi,” a sa shanduki mulovha, ḥamusi, na lini na lini. Nga ndila ine La vha la ngoho!

¹³⁴ Sarah, a tshi khou lingedza u ita uri pfulufhedziso dzothe dzi khunyelele, ni a vhona, kha khulwane...vhunga tshivhidzo namusi, “mvuseledzo khulwane tshifhingani tshashu,” (nga mini?) nga pfulufhedziso yo shandeaho. Naa ni khou yo zwi ita hani, ngeno Mudzimu a songo fhaṭutshedza dzangano na kathihi?

Ho ngo shumisa dzangano na kathihi. Musi mulaedza u tshi bva, huno vha dzudzanya, lo fela heneffo. Ndi itela khaedu muđivhazwakale muňwe na muňwe u ntsumbedza he la vhuya la vuwa hafhu. Lo fela heneffo nahone la dzula heneffo. Mudzimu o tou bvela nn̄da ha itsho tshihwali, a dzhena kha tshinwe; heneffo a bva kha tsha Łutere, a dzhena kha tsha Męthodisi; heneffo a bva kha tsha Męthodisi, a dzhena kha Vhapentekostała; zwino O no bva kha Vhapentekostała, a dzhena kha Mbeu.

¹³⁵ Ngauri, tshi tea u vha Mbeu. Ni nga si kunde mupo. A hu na, tshinwe tshithu-vho heneffo tsha uri tshi bvelele nga nn̄da ha Mbeu, ngauralo Mbeu i do Dibveledza. U a sa shanduki mulovha, namusi, na lini na lini; Khavhu ya Mulilo yenełla nthihi, i tshi khou sumbedza zwiga zwenezwiła zwithihi, Maanda eneala mathihi, Mudzimu onouła muthihi, mađembe eneala mathihi, zwenezwo zwithihi, zwo khwařhiseda Ipfi na Bivhili, zwa tou kokotolo. U a sa shanduki mulovha, namusi, na lini na lini. U khou ranga phanđa, madekwana a namusi. Mudzimu kha ri farise uri ri Łi vhone na u Łi tenda! Ngoho!

¹³⁶ Ni a vhona, Sarah, tshivhidzo, Hagara o fulwaho nga tshanda. A zwo ngo shuma. Naa zwo ralo? Hai. Tshigwada tshawe tsho fulwaho nga tshanda tshi nga si shume namusi, na tshone. Madokotela, na DziPh.Đ., na DziL.L.D., a zwi zwi iti. Zwiwhwali zweithe zwi a kundelwa.

Luther o kundelwa, sa Hagara. Naa Hagara o itani? Hagara o ńekedzela murwa wawe zwandani zwa muňwe musadzi (ndi zwone?), u lela ńwana wawe. Hagara o ita hezwo; o ńekedzela murwa wawe, murwa wawe e ethe, zwandani zwa muňwe musadzi (hu si mme awe), u mu lela. Izwo ndi zwenezwo zwithihi na zwo Luther a ita musi a tshi ńekedza murwa wawe, u itwa o lugaho, kha dinomineisheni u tamba ngayo, izwo ndi kokotolo, u mu lela.

¹³⁷ Wesley o kundelwa nga ndila yeneyo nthihi ye Sarah a ita, a tshi khou timatima uri Mbebo i mangadzaho ndi ndovhedzo ya Muya Mukhethwa, vhunga Sarah o ita kha muouku. Musi Wesley a tshi thoma u dzhenelela kha zwi re nga n̄ha ha mupo, musi tshikhathi tsha Pentekoste tshi tshi da nahone Wesley a thoma u dzhenelela kha u amba nga dzindimi na Ili lođthe, vho sea nahone vha tamba Ngalo. Inwi nođhe tshivhidzo tsha Kristo, na inwi, vha no sokou vhidzwa nga u ralo, na inwi Vhabaphuthisi, na Vhapuresbiterieni, muňwe na muňwe wanu, no imisela ningó

yanu n̄tha, Khało, huno na Li furalela. Ndi zwone. Naa no vha ni tshi ḥo itani, Wesley? No rengisela dzangano ḥwana wañu, huno a fa nahone a lovha. Izwo ndi zwone kokotolo.

¹³⁸ Fhedzi, Ipfi, Ipfi ḥa ngoho ḥo bvela phanda. A ḥo ngo dzula kha dzangano iło. ḥo ya ḥa dzhena pentekoste, huno ḥa dzhia zwiñwe two engedzeaho. O vha e Murwa o vhibvaho lwo engedzeaho, vhunga Mbeu ye ya wela mbumbeloni; huno, nga murahu ha tshifhinganyana, Ya thoma kha mułodo, zwenezwo ya vha na mafafhu, nahone ya vha na ḥohoh na milenzhe.

Huno, nga murahu ha tshifhinganyana, Yo swika fhethu he Ya bebwa. Izwo ndi zwone. Ngauralo, iyo ndi ndila ye Tshivhidzo tsha vhibva, ndila yeneyo nthihi.

¹³⁹ Wesley o timatima kokotolo vhunga Sarah e murini. O ri... Musi Muruńwa wa Murena, Munna, o ambara vhunga... Kana, Muruńwa, Mudzimu, ho vha hu, Ene muñe. Elohim, o ambara vhunga munna, a ima heneffo e na buse kha zwiambaro Zwawe, huno a amba zwauri O no n̄ea pfulufhedziso; nga murahu ha musi Sarah o no vha na miñwaha ya fuṭahe nga vhukale, huno Abrahamu e na ḫana.

Huno Sarah o nyanyulea, nahone a ri, “Izwi zwi nga vha hani, ngeno Abrahamu na n̄ne ri songo vha na, ndi zwone, ri songo nga vhathe vhaswa, vhusħaka ha muṭani, khamusi lwa miñwaha ya fumbili.” O vha e tsini na u fara miñwaha ya ḫana nga vhukale. Ha pfi, “N̄ne, nda diphera na murena wanga, n̄ne ndo no aluwa, huno ene o aluwa, na ene-who? Huno mulambwana wa vhusħilo haw wo fa, na mbumbelo yawe yo xa. Mađamu anga ha tsheeho; tsinga dza mafhi a dzi tsheeho. Naa ndi ngā vha hani nae?”

¹⁴⁰ Mudzimu o ri, “Ndo mu fulufhedzisa. U khou ḫa, naho two ralo!”

¹⁴¹ Na Wesley o ita nga u ralo. “Ri nga kona hani u ḥanganedza hone u amba nga dzindimi, na phodzo ya Muya, na zwithu. A si zwashu kha ilī duvhha.”

¹⁴² Mudzimu o ri, “Ndo fulufhedzisa, ‘Mađuvhani a u fhedzisela Ndi ḥo shulula Muya Wanga kha ḥama yothe.’” O fulufhedzisa u zwi ita, huno O bvela phanda nahone a zwi ita, naho two ralo. Huno tshivhidzo tsha Wesley, tshi na dzikhaladzi dzatsho thukhu dza muvula, dza Vhabaphuthisi, Vhapuresbiterieni, na tshivhidzo tsha Kristo, na Vhanazaretha, Vhukhethwa ha Mufhiri, na Vharathu vho Vhofhanaho, na zwa u rangani, zwa fa natsho. Huno Tshivhidzo tsho bvela phanda.

Zwino Pentekoste yo itani? I a dzudzanya, u tou fana na ganda. Yo ita zwenezwo zwithihi. Yo didzudzanya fhethu huthihi, ya ḥidzudza ngomu sa ganda. Izwo ndi zwone.

¹⁴³ Pentekoste yo vha i tshi nga Maria. [Tshikhala kha theiphi—Mudz.]...munyanya wa pentekoste, vhonani zwe Maria a ita. Naa ndi tshini tshe Maria a tshi khakha? Kha

munyanya wa pentekoste, nga tshiñwe tshifhinga, o vha o livhana na tshigwada tsha vhahulisei, vhotshifhe. Musi, Murwa wawe, a songo kona u Mu wana huñwe fhethu. Huno o humela murahu, lwendo lwa mađuvha mararu.

O vha o Mu sia. Vhunga tshivhidzo tsha musalauno ñamusi, lune lwa ṭodou swika luraru lu tshi andiswa kañanu, kana fumbilithanu, tshivhidzo tsho tutshela, miñwaha i no ṭodou swika ya fuñhanu yo fhiraho, kana fusumbethanu.

¹⁴⁴ O Mu sia tshimimani tsha pentekoste. Maria a humela murahu na Yosefa, mađuvha mararu, a tshi khou Mu ṭoda. O vha a tshi khou Mu ṭoda; a kundelwa u Mu wana.

O Mu wana. Naa o wanani? O Mu wana thembeleni, a tshi khou amba Ipfi la Mudzimu na vhotshifhe. Huno heneffo phanda ha vhotshifhe avho, avho vhe vha vha na tshirunzi, Maria a fhedza mafhungo. O ita tshithu kokotolo tshe a vha a songo tea u vha o tshi ita.

Mu vhidzeni, “Mudzimu; mme a Mudzimu”? Mme u fanela u vha na vhuñali ho engedzeaho u fhira murwa wawe.

Huno o ri, “Khotsi au na nne ro tambula nga u U ṭoda, masiari na vhusiku.” Huh! “Khotsi au na nne,” o ima kha la uri mbebo yo vha i si ya nga nñha ha mupo, uri Yosefa o vha e khotsi a Yesu. O hana mbebo ya nga nñha ha mupo.

Pentekoste yo dzhia u amba nga dzindimi. Vho hana Mbebo ya Ipfi. Izwo ndi zwone kokotolo zwe ya ita. I do dzhia zwinzhi-zwinzhi Zwaño, fhedzi i nga si dzhie masalela Alo. Yo hana Mbebo ya Ipfi, u tou fana na Maria o ralo. Fhedzi, sedzani, a hu tsha do vha na mañwe madzangano o engedzeaho nga murahu ha Hetshi.

¹⁴⁵ Sedzani Ipfi Lone line, li tshi kha di vha, miñwaha ya fumimbili nga vhukale, li tshi tou vha tshithu tshiñuku tsho vhuyelelaho gandani, Lo ri, “Naa a ni zwi divhi uri Ndi fanela u vha mushumoni wa Khotsi Anga?” Ipfi lo khakhulula tshivhidzo, heneffo.

¹⁴⁶ “Naa u itelani izwi zwithu zweño? U a divha uri hetshi u nga si kone u tshi ita. Ri do vala mahothi ashu; ri nga si u tendele u dzhena.”

¹⁴⁷ “Ngauri a ni ñivhi uri Ndi fanela u vha mushumoni wa Khotsi anga?” Ni a vhona? Ngoho, ngoho, u vha nga nñha ha mupo ha vhukuma!

¹⁴⁸ O kungea, a tou ima kha la uri Ndi murwa wa Yosefa, muthu zwawe. Kana, zwe Pentekoste ya ita, yo tou ima kha la uri Ndi “muthihi wa vhararu.” Whew! Ndi a divha uri izwo zwi a vhaisa, “muthihi wa vhararu.” Fhedzi O vha e vhararu vñothe, kha Muthihi. O vha e si muthihi wa vhararu. Fhedzi Mupentekostaña, “Oo, ee, Ndi Murwa wa Khotsi, wa Muya Mukhethwa, zwenezwo...” Yawee, nnennne!

Fhedzi Ipfi la vhukuma, la ngoho li a amba la buletshedza, huno lo ri, "A vha vhararu. Hu na muthihi wavho." [Tshikhala kha theiphi—Mudz.] Amene. A ni divhi Ipfi la Mudzimu? Ni songo vha ita vhararu; fhedzi Muthihi.

¹⁴⁹ Dzhielani nzhele, a hu tsha do vha na tshihwali, zwivhidzo zwa u thoma, dzidinomineisheni, nga murahu ha heli ganda li re tshihwali.

¹⁵⁰ Ngauri, nga murahu ha ganda, a hu tshe na, tshithu tsho salaho nga itsho tshifhinga nga nn̄da ha Thoro fhedzi. Naa izwo ndi zwone? I tea u vha Thoro. I tea u vha lushaka lwonolwo luthihi lwe lwa dzhena mavuni, Yesu Kristo a sa shanduki mulovha, ñamusi, na lini na lini, Muya u da kha Muselwa u ita zwithu zwenezwo zwithihi zve A ita. Ni a vhona? Ndi u bveledzwa hafhu ha Thoro.

¹⁵¹ Ipfi, li tshi kha di vha liswa, lo Diambela, "Huno a ni zwi divhi uri Ndi fanela u vha kha mushumo wa Khotsi Anga?" Huh!

¹⁵² Ngetsho tshiphiri tsha Mulaedza zwino, tsho tou kokotolo, "mushumo wa Khotsi." Naa mushumo wa Khotsi ndi mini?

Naa no vha ni tshi nga elekanya zve mushumo wa Khotsi wa vha u zwone, Khae? U khunyeledza zve Yesaya a amba, "Musidzana o kunaho u do ima." U khunyeledza zve Yesaya, a amba hafhu, "Tshihole tshi do fhufha vhunga phala," huno hezwi zwithu zweþe zwi do itea. Vhunga Mushe o amba, "Murena Mudzimu wañu u do vusa Muporofita, vhukati hanu, a no nga nne." Wo vha u mushumo wa Khotsi, u khunyeledza iþo Ipfi.

Ndi zwone, arali hezwo zwo da nga izwo zwikonyi, zwa avho vhasadzi vha mupo; mini-ha nga ha izwi zwikonyi zwa avha vhasadzi vha maya, vha tshivhidzo? Zwivhidzo zwi amba vhasadzi, *vhasadzi* zwi amba "zwivhidzo," kha ndi ralo. Naa izwo ndi zwone?

Zwenezwo ndi mini zwino? "Ri fanela u vha kha mushumo wa Khotsi," Goroi i do fhindula, Thoro. Ee, muñe wanga. Naa i fanela u itani? U khwathisedza Maleaxi 4, u khwathisedza Luka 17:30, u khwathisedza Vhaheberu 13:8, u khwathisedza Yohane Mukhethwa 14:12, u khwathisedza Ipfi Ławé loþhe. U khwathisedza Vhaheberu, ndi amba... Dzinzumbululo, ndima ya 10, ya u pfuñululwa ha Mapfundo a Sumbe, na zwiphiri zwa Mudzimu; na u swika kha mbeu ya ñowa, na zweþe, zwi do vhonadzwa; mbingano na muþalano na izwi zwiñwe zwiphiri zweþe zwo dzumbiwaho fhasi ha phuphu dza iyi miñwaha yoþhe, u bva kha vhadivhi vha divhavhurereli na vhañwe-vho, fhedzi zwino ndi awara. Uyo ndi mushumo wa Khotsi.

Ni elekanya uri vha do Li tanganedza? Vha þodou vha na tshirunzi, huno vha ri, "Dinomineisheni yashu a i ri funzi Hezwo." Fhedzi Bivhili i a ralo. Izwo ndi zwone.

¹⁵³ Mudzimu u Li khwaṭhisēza u vha ḥa ngoho. Ngoho, Li khou khunyeledza tshikhathi itshi, musi Mapfundo a Sumbe. Kana, u tou sumbedza uri dinomineisheni dzo tou vha zwiwali, uyo ndi muñwe mushumo wa Khotsi, u sumbedza. Huno mushumo wa Khotsi zwino ndi u ni sumbedza uri idzo dinomineisheni a si Dzawe. Ndi sisteme dzo itwaho nga vhatu dici no hana Ipfi. Ndi zwone. Dzhielani nzhele.

Inwi ni ri, “Zwo ralo, Maria, musi-...musidzana muhulwane!”

¹⁵⁴ Ngei tshifhambanoni, na kathihi Ho ngo mu vhidza, “mme.” O mu vhidza, “musadzi,” muhwali, hu si mme. Ni a vhona? Ngoho, o vha e muhwali wa Ipfi, fhedzi o vha e si Ipfi. Ene o vha e Ipfi. Oo, ee.

¹⁵⁵ Dzhielani nzhele, nahone, ho ngo badekanywa Nae kha mvuwo. O fa nahone a vuwa hafhu, ngauri O vha e Ipfi. Ene o vha a tshi tou vha muhwali. O fa, huno u kha di vha tshaloni. Izwo ndi zwone. Ngauralo, o vha a tshi tou vha muhwali, hu si mme Awe, hu si Mudzimu. O vha a tshi tou vha muhwali vhunga zwine zwivhidzo zwa vha zwone. Izwo ndi zwone. Zwi ṭana uri o vha a tshi tou vha muhwali, hu si Ipfi.

¹⁵⁶ Kha ri vale nga u amba hezwi. Oo, vhurwanzhivha ha Pentekoste, vhu tshi thamuwa u mona hothe vhunga maanga, vhu na mukovhe kha zwa shango u tou fana na vhañwe vha no ita, “vhe na tshifanyiso tsha u fana na Mudzimu, tsho edanaho u fhura Vhanangiwa vhenevho arali zwi tshi konadzea, fhedzi vha tshi hana Maanda aho,” sa muporofita a tshi amba hafha. Tsumbo yo fhelelaho ya zwe Ipfi ḥa Mudzimu ḥa ri i do vha yone mađuvhani a u fhedzisela, tshikhathi tsha tshiyhidzo tsha Laodikea, “tshi fhedzi, tsho pofula, tshi a ṭungufhadza, tshi a shaya, tsho dzhielwa, huno a tshi zwi ḫivhi; tshi tshi ima kha ḥa uri ndi tshihulu nahone tsho pfuma, ‘a tshi shayi tshithu.’” Huno a tshi zwi ḫivhi uri tsho shanduka u bva kha lurwanzhivha, mukomana a fanaho na muporofita, u ita uri Ipfi ḥa Mudzimu li dzule lo lulama; tsho shandukela kha lianga, nahone tshi tshi kanzwa vhatu vhatsho nga mivhuda yo faho ya vhuhuweleli. Ndi zwone kokotolo. Karuwani! Nñenñe, ni lavhelela u badekanywa hani, kana mañaifa na magoni, musi zwithu zwo ralohu kha ino awara khulwane musi U Takulelwā Tađulu ho no vha tsini.

¹⁵⁷ Oo, Mukriste, oo, mutendi, arali no vha mutendi wa tshiṭahe, dzulelani u da miṭanganoni lwa tshifhinganyana fhedzi (ni do ralo?), ri na tshiñwe tshithu hafha tshire nda tenda zwauri Murena u ḥođa ni tshi tshi ḫivha.

Tshifhinga tsho ṭuwesa; ndi nga si kone u bvela phanda. Ndi tea u vala, huno khamusi nda fhedza vhusiku ha matshelo. Fhedzi, vhonani, kha ri kotamise ḥođo dzashu lwa tshifhinganyana.

¹⁵⁸ A thi Ძodi ni tshi dzhiela nzhele girama ine nda i shumisa, fhedzi ndi Ძoda ni tshi dzhiela n̄tha lwa tshifhinganyana zwe nda amba. Zwi khagala lwo edanaho uri ni nga kona u zwi pfectesa, ndi na ngoho, arali ni tshi funa u ralo. Arali ni fhano madekwana a Ძamusi, huno ni si na iyi tshenzhemo . . .

A thi khou ri . . . Inwi ni ri, “Ndo no tshina Muyani, ndo fhufha u mona hothe.” Iina, vhurwanzhivha vhu ita zwenezwo zwithihi, u tou fana na mahunguvhu na maanga. A thi khou humbela hezwo.

Naa ni khou Ძani? Naa ni khou wana nnedyo yaṇu ya Ძuvha na Ძuvha ngafhi? Ni khou kanzwea ngafhi, zwi bvaho kha Ipfi Ძa Mudzimu kana iñwe Ძama yo tshinyalaho ya kale ye ya shumiswa hangei murahu, miñwaha na miñwaha yo fhiraho? Naa tshenzhemo yaṇu, yo linganelia Ძamusi, ni na tshiñwe tshithu tshe na tshi doba miñwahani minzhi yo fhiraho; kana ndi tshiswa nahone tshiswa-tshiswa madekwana a Ძamusi, Mana maswa ane a kha di bva u wa a tshi bva Ძadulu, huno ni khou kanzwa myua waṇu Ngao, kha Ძa matshelo ni tshi khou Ძoda tshiñwe tshithu tshavhuđi nahone tsha khwine? Arali ni si nga heyo nqila, zwino zwifhatuwo zwaṇu two kotama na maṭo ano o valwa, na mbilu dzaṇu dzo kotama, divhudziseni iyi mbudziso ya vhukuma. Nahone hu si kha nqē, fhedzi kha Mudzimu, ni nga imisa tshanda tshaṇu ni na vhulanzi, ha u amba izwi, “Mudzimu, dzudzanya mbilu yanga na myua wanga, uri ndi kanzwe fhedzi nga Ipfi Ძa Mudzimu.” Ni nga imisa tshanda tshaṇu, na ri . . . Mudzimu a ni fhaṭutshedze. Mudzimu a ni fhaṭutshedze.

¹⁵⁹ A thi divhi kokotolo uri ndi vhangana vha re ngomu hafha, vha re hone, madekwana a Ძamusi. Ndi muhaṭuli a si wavhuđi na luthihi wa gogo, fhedzi ndo vha ndi tshi nga ri nga zwiṭuku tshararu, kana vho engedzeaho, vho imisa zwanda zwavho, uri vha Ძoda mimuya i re kha madzulele kwae. Kha ri elelwe thabeloni zwino ri tshi kotamisa zwifhatuwo zwashu.

¹⁶⁰ Mudzimu a funwaho, ndi na vhudifhinduleli fhedzi ha u amba Ipfi. Huno nga izwi zwifanyiso zwiṭuku zwi sa kondi, zwifanyiso zwiṭuku, vhathu vha a vhona uri muñwe ha khou yo vha mulaifa na muñwe. Huno ri a divha uri mađuvhani a u fhedzisela hu khou do vha na vhathu vha no khou yo takulelwia n̄tha kha Maṭadulu, huno vhañwe vhavho vha do vha vhe hafha musi Yesu a tshi da. Huno ri khou Mu Ძoda uri a ñe na Ძamusi.

¹⁶¹ Huno ndi khou elekanya nga ha miñwaha ya furaru, i no Ძodou swika ya furaru kana furarurarū yo fhiraho, ndo gwadama hafha khamusi nga tshino tshifhinga tsha vhusiku, i tshi Ძodou rwa hafu u bva kha awara ya Ძahe kana awara ya fumi n̄tha ha tshithoma, ndi tshi khou rabelela khotsi we a vha o xela. Madekwana a Ძamusi, Murena, ndi khou rabelela vhokhotsi vhanzhi, vhommē vhanzhi, na vhakomana na dzikhaldzi. Naa U nga si vhe na khathutshelo, Mudzimu a funwaho? Tshifhinga

tsho no ṭuwesa tsha uri khotsi anga vha ite tshinwe tshithu nga hazwo; vho no fhira phanda ha mikano ya vhuno vhutshilo. Huno hu si kale, Murena, roṭhe ri khou yo fhira nga heyo ndila. Nne, na nne-vho, ndi fanela u ṭuwa nga heyo ndila. Munna na musadzi muṇwe na muṇwe, mutukana kana musidzana, ngomu hafha, u tea u ṭuwa nga heyo ndila. Huno ri ḋo difhindulela malugana na zwine ra ita nga Ipfi la Mudzimu.

¹⁶² Ula munna o vhonala e muṭuku hani, maṭoni a Dafita, musi a tshi khou mu pfela mare! Avho vhatu vha ḋo elekanya zwiṭuku hani, vha no pfela Yesu Ipfi mare, musi A tshi vhuya hafhu, na vhaṭa vhe vha Mu runga. Vhatu vha ḋo pfa zwiṭuku hani vhe vha kona u tshimbila u bva ngeno huno vha vhone na... nahone hu si kha maṇwe maipfi mahulwane a Tshigerika fhedzi, na maṇwe-vho, fhedzi nga mupo u re khagala une wa ri funza Mudzimu Musikii; ra kona u vhone zwiwhwali zwa Ipfi, huno ra vhone Ipfi Lone line, huno ra divha awara ine ra khou tshila khayo, nahone tshifhinga tsha khaṇo tsho swika.

¹⁶³ Mudzimu a funwaho, ri songo Li furalela, u itela huṇwe u shaya maano a shango, fhedzi madekwana a ḥamusi kha ri Mu ṭanganedze nga mbilu dzashu dzoṭhe. Murena, sika ngomu hanga maya wavhudzi, Muya wa Vhutshilo, uri ndi kone u tenda Maipfi Au oṭhe, huno nda ṭanganedza Yesu Ipfi, a sa shanduki mulovha, namusi, na lini na lini, nahone nda tenda namusi kha tshipida tsho kovhelwaho tshikhathi itsi. Zwi tendele, Murena. Ndi a zwi humbela nga Dzina la Yesu.

¹⁶⁴ Huno zwino ndi khou yo humbela muṇwe na muṇwe wanu, vhunga ni fhano nahone ni tshi khou elekanya nga ha hezwi, nga u fulufhedzea vhukuma. A ri na tshivhidzo tshire inwi ni nga vha muthihi natsho. Ri na tivha afho phasi line ni nga lovhedzelwa khalo, “Vhanzhi vhe vha tenda vho lovhedzwa,” arali ni sa athu lovhedzwa nga ndovhedzo ya Tshikriste na kathihi. Hezwo a zwi ambi u shashiwa, u shululelwaa; izwo zwi amba uri nga u mbwandamedzwa. Hu si nga vhuimo ha Khotsi, Murwa, Muya Mukhethwa, fhedzi nga Dzina la “Yesu Kristo,” vhunga tshivhidzo tshoṭhe tsho lovhedzwa, u swika tshivhidzo tsha Katolika nga 303 tshi tshi thoma u disa midzimu miraru na zwivhumbeo zwiraru zwa ndovhedzo, nga maimo a vhuraruthihi. Arali ni sa athu vha nayo, matshelo nga matsheloni nga awara ya fumi ntha ha tshithoma hu na dzinguvhonu na zwithu zwe ni lindelaho afho phasi.

¹⁶⁵ Ni nga si de na vha muthihi na Yesu Kristo, hu si na rine. A ri na tshivhidzo na fhano tsha u ni ṭhogomela. Iyani tshivhidzon i tshinwe na tshinwe tshire na ṭoda, huṇwe na huṇwe hune na bva hone, fhedzi, ndi a humbela, tendani Ipfi heli. Naa ni a li tenda? I ri ni, “Amene.” [Tshivhidzo tshi ri, “Amene.”—Mudz.] Mudzimu a ni fhaṭutshedze. Ngavhe ni tshi ita...

¹⁶⁶ Hu na tshire ri nga ni thusa, ri fhano u zwi ita.

¹⁶⁷ Zwino, ndi a divha uri hu na vhalwadze fhano. Tshifhinga thashu tsho ri sia, madekwana a namusi, tsha u ita muduba wa thabelo. Khamusi ri do tshi wana, naho zwo ralo. Ndi ṭoda muñwe na muñwe wanu a tshi nnyitela tshiñwe tshithu. No dzula tsini na muñwe; vheani zwanda zwanu kha uyo muthu.

Huno a hu na thimothimo ya uri ni khou vhea tshanda tshañu kha goni, khamusi goni le la vha li tshi khou la zwiñwe zwiliwa zwa lianga huñwe fhethu; zwo no thoma u li lwadza. A vha tsha zwi ṭoda. Vha ṭodou bva khazwo. Vha khou lwala nahone vho neta ngazwo. Vho dzula fhano madekwana a namusi huno vha vhona zwine magoni zwa vhukuma a la, Ipfi, nähone a na Kristo a tshilaho a no khou tshila vhukati hao, a tshi Dítana sa a no tshila, a sa shanduki mulovha, ñamusi, na lini na lini. Ha ṭodi u vha małaiifa na maganda; a khou yo fhiswa. Małanga othe na zwithu zwi khou do fhiswa. Tshifhulo tshi khou do fhula Goroi. Ni ṭodou vha Goroi.

¹⁶⁸ Hu na vhañwe vhavho vha no khou lwala, vhañwe vhavho vha lwala muvhilini. Ndi ṭoda u tshi rabela, goni. Rabelelani mukomana wanu, khaladzi goni heneffho, musi ndi tshi ni rabelela hafha. Ngavhe Muya wa Mudzimu u tshi da kha inwi.

¹⁶⁹ Elelwani, ndi khou ni nea Zwiñiwa zwa goni, pfulufhedziso ya Mudzimu. U vhidza vhaporofita Vhawe, “magoni.” U Divhidza “Goni,” Ndi ene Yehova Goni. Huno musi no vheana zwanda zwanu, vha rabeleleni.

¹⁷⁰ Khotsi ashu wa Tadulu, Ipfi Lau lo ri, ndaela ya u fhedza ye Wa nea Tshivhidzo Tshau, yo vha i, “Iyani shangoni loþhe, huno ni rere Mafhungo-maqifha,” ndaela dza u angaredza, “ane a tenda nahone a lovhedzwa u do tshidzwa; ane a sa tende u do laþwa. Hezwi zwiga zwi do tevhela avho vhane vha tenda; nga Dzina Langa vha do pandela vhodiabolo; vha do amba nga dzindimi ntswa; arali vha tshi nwa tshi vhulayaho, a tshi nga vha vhaisi; arali vha takula mañowa, a nga si vha huvhadze; huno arali vha vhea zwanda zwavho kha vhalwadze, vha do fhola.”

Oo Yehova Goni, kanzwa vhaþuku Vhau madekwana a ñamusi nga ilo Ipfi, Murena. Vha na ṭhodea. Iyo ndi nndyo ine vha ṭoda. Itsho ndi tshone tshire vha ṭoda, u ðivha uri ndi Zwiñiwa-de, ndi U RALO MURENA ifhio.

¹⁷¹ Wo fulufhedzisa, arali vho vheana zwanda, uri vha do fhola. Oo Murena Mudzimu, ɻuwisa thimothimo dzoþhe na mihibumbulo ya lianga kha riñe zwino. Huno ri kanzwiwa vhukuma nga Zwiñiwa zwa Goni, zwa Ipfi la Mudzimu.

¹⁷² I ri mya muñwe na muñwe wa tshika u re ngomu ha havha vhathu, mya muñwe na muñwe wa u timatima, mya muñwe na muñwe wa nyofho, vhudifari vhuñwe na vhuñwe ha dinomineisheni, ndowelo inwe na inwe, vhulwadze vhuñwe na vhuñwe, dwadze linwe na linwe line la vha vhukati ha vhathu, li ɻuwe. Nga Dzina la Yesu Kristo, ngavhe zwi tshi bva kha

itshi tshigwada tsha vhathu. Huno ngavhe vha tshi vhofholowa u bva kha ino awara, uri vha kone u la Zwiliwa zwa Goni zwine ra khou tenda zwauri U do ri rumela vhegeni yothe, Murena, u tshi pfuñulula ayo Mapfundo nahone u tshi ri sumbedza izwo zwiphiri two dzumbiwaho tshee shango la tewa, sa zwe Wa fulufhedzisa. Ndi vhau, Khotsi. Nga Dzina la Yesu Kristo. Amene.

¹⁷³ Vhothe vhane vha tenda nahone vha ḥanganedza, imani nga milenzhē yanu, ni ri, “Ndi a tenda. Ndi a ḥanganedza. Izwo zwe Mudzimu a mpfulufhedzisa, ndi a ḥanganedza.” [Tshivhidzo tshi takuwa nga ipfi la ḥanganedzo—Mudz.]

Murena a ni fhaṭutshedze. Izwo zwi a mangadza. Muthu muñwe na muñwe o ima! Izwo ndi zwavhuđi.

Tshuni, *Ndi A Mu Funa*. Kha ri Mu imbele ulu luimbo-ha, “Ndi a Mu funa, ndi a Mu funa ngauri O funa nne u thoma.” Rothe khathihi zwino.

Ndi a Mu funa, (arali ni tshi ralo, kha ri imise
zwanda zwashu) ndi a Mu funa
Ngauri O funa nne u thoma
Huno o renga u tshidzwa hanga
Murini wa Khalivari.

¹⁷⁴ Oo, Ha mangadzi naa? [Tshivhidzo tshi ri, “Amene.”—Mudz.] Kha ri khađane. Mukomana, goni, itonu rembuluwa, khaladzi, khađanani, ri tshi lu imba.

Ndi a Mu funa, . . .

Mukomana, goni! Mukomana, goni! Mukomana, goni, a tshi khou andadza Iphi! Charlie, no vuwa hani? Mudzimu nga a ni fhaṭutshedze, mukomana. Ndi takalela u ni vhona! Mudzimu a ni fhaṭutshedze, mukomana. Mudzimu a ni fhaṭutshedze, mukomana, goni. Mudzimu a ni fhaṭutshedze.

Murini wa Khalivari.

Kha ri dovhe ri Mu imisele zwanda zwashu.

Ndi a Mu funa, ndi a Mu funa
Ngauri O thoma u funa . . . (huno O ni ita goni)
Huno o renga u tshidzwa hanga
Murini wa Khalivari.

¹⁷⁵ Ni do divha hani, shango li do divha hani uri ni funa Yesu? Musi ri tshi funana. Iyo ndi n̄dila ine shango . . . Ni a vhona, Mudzimu u vhona lutendo lwanu; shango li vhona nyito yanu. Funanani zwino. Faranani nga vhuthu. Ambisanani. Ni kondelelane.

Huno dziñe ndayo dzine ri nga nea, ndovhedzo, ni tshi khou ḥoda Muya Mukhethwa . . . A ri na phera fhano dza u ita hezwo ngomu, ni a pfectesa. Mbidzo ya alitari, arali Mudzimu o ita uri ni tende zwauri Heli ndi lone, la uri Yesu Kristo ha shanduki

mulovha, namusi, na lini na lini, huno ni tshi ṭodou vha muthihi Nae, iyani' ni lovhedzwe nga Dzina Lawe, matshelo. Hu do vha na vhanna henengei vha u ni laya. Tshinwe na tshinwe tshine ri nga ita u ni farisa, ri do tshi ita.

Ndi a Mu funa, ndi a Mu funa

Inwi ni re kha ḥthingo zwino, Tucson, nga ngei California, kule nthā ngei Vhubvađuvha, imisani zwanda zwanu, kule nnđa ngei . . . ? . . . Mu rendeni!

O renga u tshidzwa hanga

Ndi nnyi a no khou yo balanganya? [Mukomana Branham u amba na muňwe kha pulatifomo—Mudz.] Zwino, u swika vhusiku ha matshelo, ndi ni ḥekedza Murathu Neville, mufunzi washu.



MBEU A SI MULAIWA NA GANDA TSV65-0218
(The Seed Is Not Heir With The Shuck)

Hoyu Mulaedza nga Mukomana William Marrion Branham, u rangani wo ḥnewa nga Tshiisimane nga madekwana a Łavhuña, Luhuhi 18, 1965, ngei Parkview Junior High School kha ṽa Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ḥhalutshedzo ya Tshivenda yo gandiswa huno ya phaqladzwa nga vha Voice Of God Recordings.

TSHIVENDA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org